

兩浙輶軒續錄

兩浙輶軒續錄卷三十九目

馮培元 任沛霖 章嗣衡 戴鹿芝 陸璣

高成濟 徐鴻謨 諸鴻達 查彥鈞 祝政

查世燮 張以煊 顧升誥 趙宗藩 黃金臺

沈金城 沈鏌 金鑾坡 楊紹修 嚴恆

鄔鶴徵 徐元 吳杰 呂錫璋 羅致一

王堃 胡琨 樊元 江耀南 錢炳森

陳翰芬 朱泰脩 葉廉鶚 趙景賢 郎玉銘

鄭聖颺 李丙照 應寶時 徐世傑 蔡慶恆

周慶枏 陳以昌 陳燧 陸長春 倪承祚

王兆杏 董經緯 鍾繼芸 計光圻 陸增

皇甫坤 吳瀾 王蒔蘭 孫岳 牟潤

金鶴清 吳昌壽 沈炳垣 沈丙瑩 徐時樑

陳學繩 魏福增 王福佑 吳元鏡 顧文澄

李文杏 姚仁瑛 唐員 陳震省 郁載瑛

李笏 平浩 壽僑 方鉉 倪兆禧

兩浙輶軒續錄卷三十九

督學使者潘衍桐訂

馮培元

字因伯號小亭仁和人道光甲辰一甲三名進士官至光祿寺卿督學湖北殉難卹贈侍郎諡文

介

浙江忠義錄培元少孤貧力學母何苦節撫之培元事親以孝聞未第時文名甚盛官翰林益從事經史有用之學歷典湖南湖北學士時髮匪圍長沙道阻梗乃陳政未至官擢侍講學士時髮匪圍長沙道阻梗乃陳慨就道比蒞任方遣人迎母就養而岳州陷竄漢陽聞武昌乃募人緹城出止母行母覆書曰見危授命臨大節不可奪也其遵吾訓培元奉書涕泣自矢十二月初城陷與幕客管柱臣訣曰歸報吾母忠孝不兩全不敢負吾母訓也赴署後井死之被圍時擢光祿寺卿比殉難事

聞贈

侍郎銜給騎都尉世職

題魏英姑斷指圖

水月襟懷淡冰霜節操全守身侔玉潔勵志喻金堅器宇南

雲擅家聲北郭延鶴山承舊澤鸞鏡促華年憶昔程門侍曾

聞鮑女賢從游分硯席稟訓事丹鉛字學簪花格詩吟詠絮  
聯蕊珠真在掌棣萼共隨肩騎竹諸兄樂推梨弱妹憐家庭  
皆肅若僕媼亦怡然鍼黹精能擅羹湯製作便重慈陪色笑  
五夜話纏絲里閨才名最閨幃淑質妍琴方調綠綺絲已得  
紅纏王謝居相近崔盧族可連穠桃期好合御李結因緣門  
擬乘龍選屏看射雀穿豈知驚噩夢空自悟清禪嘔血嗟長  
吉修文召謫仙瑤華摧雪裏琪樹折風前蝶化迷難覺鯨游  
祕不宜靈犀通一點寡鵠泣么絃之死還呼母孤生欲問天  
豔消機上錦波息井中泉南浦虛紅葉西方證白蓮飲冰耽  
業淨化石等冤填久蓄嬰兒志悲歌烈婦篇懷清心激切矢  
願淚淪漣鵬集鳥嘯後鐙青月黑邊霜鋒銛短匕翠袖閃寒  
煙半指中宵斷千秋此誓專松筠枝並秀藥石病難痊竟使

朝華萎何殊晚節傳夜臺人共命幽壙月孤圓綽楔  
朝廷賜芳型野史編女貞喬木茂金石句同鐫

自題畫梅

東風吹暖到南枝殘臘初回日漸遲晚節自能留歲暮清名  
久已畏人知崦西山遠花成海湖上春寒鶴守祠茗椀鑪香  
新位置手拏殘萼插軍持

紅葉

深宮十載賦相思流水年年寄一詩隨意飄零猶絢爛入時  
妝點重臙脂葛翁丹竈初陽麗王母桃花九月遲輸與華清  
舊槐影朱門長閉幾多枝

任沛霖

字硯雲海鹽人道光甲辰進士官直隸成安知縣著雙桂書屋詩集

府志沛霖敦品力學從遊甚眾兼精醫理以進士授高陽令居官廉惠邑有盜魁密禽之督標武弁某素庇盜

欲脫其罪沛霖執不可白諸大府置之法民威德之旋  
調成安值連歲亢旱飢民載道土匪乘機攫奪沛霖下  
車卽安撫災黎嚴懲奸宄地方始獲  
安謐時久不雨虔禱輒應卒於官

閒居

薄技曾無尺寸堪鬢絲憐我漸鬢鬢客疎偏與詩情密病久  
都教藥性諳髀肉已生悲櫪馬壯心未肯付煙嵐起看牛斗  
參橫處時有文光五夜含

伯牙臺

荒臺寂寞枕煙濤舊日曾聞理素琴綠綺一彈成絕調白雲  
千載渺知音兼天波浪秋潮急夾岸菰蒲夕照深流水高山  
竟何處只留陳蹟費閒吟

章嗣衡

原名汝衡字梓梁會稽人道光  
甲辰進士官河南道監察御史

家傳略嗣衡博覽經史過目成誦幼有神童之目九齡  
入邑庠未冠登賢書淡於榮利中年後優游里閭吟嘯

自娛

丙辰歸里志感

回首春明夢已醒  
恩恩十載住蓬瀛  
也知沒世名終滅  
差幸中年宦已成  
祿不逮親仍戀墓  
才非匡代且歸耕  
稽山鏡水俱無恙  
好偶樵漁老此生

遣興

偶從塵市結羅菴  
人事炎涼一笑諳  
老去性情薑更辣  
亂餘滋味蔗難甜  
子文夙負三無喜  
叔夜原知七不堪  
好情秋風驅白鳥  
一簾花影睡初酣

戴鹿芝

字商山蘭溪人道光甲辰進士官貴州

縣志鹿芝性剛毅有材略補貴州印江未赴任署定番  
調開州涂福生父子謀叛大府檄鹿芝署修文馳往單  
騎入涂寨釋其罪用以督團八月桐梓賊來得涂氏死  
力城獲全署永州礫劇盜伍惶人擢朗岱同知值永甯



詔死

事以創卒

公兼攝開州賊不敢犯旋以專殺天主教黨去官賊謂

詔死

事以創卒

宦黔紀略公平生服膺象山陽明之學居

官清勤願亮死之日識與不識皆痛惜之

有政聲時寇亂數以理學名儒登甲榜官黔二十年所至

賊即畏服誓公在任不犯州境後因餉入賊營化諭之

盡城陷擊賊身殉成仁取義卓卓可風

應寶時撰墓志公攝開州往賊營勸投誠賊擁留至尙

大坪公日誦周易皇極經世陸象山集見賊輒怒罵期

速死數月賊不為借配姚淑人坐堂皇賊斫公顙仆淑人旁

知事不可為借配姚淑人坐堂皇賊斫公顙仆淑人旁

縊良久公甦士庶婦孺環泣公弟鹿榛在側公語之曰

人到此一步所謂試金石也吾此時心愈定神愈清可

難次子詠方事急奉公命懷印詣大府猝遇兵死

四月初八日尙大坪吟

庚申二月二十七室人遠來歷乍拂忽傳郵筒遞家書萬里  
雲山如咫尺叔父誨諄諄綴以韻言深切責子生三年免於  
懷天下豈有無父國守經能濟爲經濟論矜創獲理醇實從  
父復慙慙繁稱古人其惟式逖聞墨經事從戎匪云寬大行  
姑息中有深意默會心文德格苗本號泣兒輩暨弟姪語重  
心長慰相憶我父靈輿已髹漆我父虞主已題畢當時相送  
耐宗訪諸父諸兄咸畢集噫吁噉緊我親骨肉迢迢天涯隔  
鮮民之生不如死痛揮血淚泔泔滴吾何行如之力小任重  
計更拙馮河就其深暴虎入於穴率籲眾威出矢言幾如掬  
水以投石水石不相入予心愈滋惻發言盈庭咎誰職牧主  
養民重民食四郊多壘遑作息其如生靈千萬億

皇仁如天懷保赤上蒼自有好生德鑒我

皇仁回末劫噫吁噫但祝上蒼鑒我

皇仁回末劫區區一生胡予恤行徑疏狂意氣激異言法語  
未改繹知弟莫若師叔父萬里箴予兼愛如墨翟

初九日尙大坪又吟

頭上是青天心中祇君父俯念我蒼赤苦厄與誰訴包荒用  
馮河入險輕暴虎諂爲螳螂奮其斧譽爲施舍能無懼世俗  
褒譏何足憑耿耿此心自有主君親名義大爲防生寄死歸  
行吾素

陸

璣

字次山仁和县廩生官四

杭郡詩三輯次山州著鐵園集  
遊客佩劍從軍則廁謀士賣畫則稱經生出門投刺則當  
放不可一世嘗於金沙港武帝祠壁圖山水醉墨雄恣  
有氣吞溟嶽之樂題詩云一甌逸氣向空噴化作西湖  
壁上雲袖裏煙霞亂飛出一枝寄語山靈勤護惜不逢奇士  
拜吾師泣鬼驚神筆一枝寄語山靈勤護惜不逢奇士

莫題詩二絕

爲世傳誦

緝雅堂詩話次山工詩能畫戴文節公嘗稱其樹法之妙不讓元人有題畫絕句七十首集曰鐵圍均蜀游詩也胎上入蜀之作不易繼響

跳石

萬山虎騰蹕一水龍起伏巫峽幻奇形跳石鎮其腹野人住  
深巖肆志樂林谷負薪動盈肩鬚眉古可掬高山耕作田冬  
水及時畜子孫日以肥來與世情逐浮雲過太空不就檐下  
宿抱樸全天眞那知寵與辱仇池在人境一枕飲山綠

王穀原招同人集虎邱爲餞卽席作

斟酌橋邊梅雨晴畫船如織不停聲笙歌原是昇平事詩酒  
偏深老友情萬里游蹤談鳥道十年歸興與鷗盟一輪虎阜  
山頭月照入吳江徹底清

兩浙輶軒續錄

卷三十九

陸璣

五

XXXX

後蜀游四首 錄二

談經賣畫又戎行潦倒生涯一酒囊眞箇士龍成笑癖要知  
司馬已貲郎舉杯且吸岷江月負米還移棧道糧下吏風塵  
殊太俗休言諭蜀有文章

已尋雲水卜幽鄰可惜居卑竟爲貧入峽重聽巫岫雨看花  
又踏錦城春霸圖南盡營思漢山勢西行路逼秦漫說劍門  
天下險騎驢走熟幾詩人

從軍詩

有序

九月十八日夜聞新疆於八月十日官兵畔鄰省將  
弁方聞變提軍往勦余因有請纓之志無路自達不  
果行乃倣王粲從軍之例竊比杜陵出塞之章紀詩

七首聊志鄙懷

錄一

半夜忽起坐一城寒有聲出門問羣吏云點新疆兵羽書告  
邊急強虜圍我城前軍已云挫烽火連天驚優柔釀大禍先  
人事易成立功壯絕域踴躍請前行

人日寄姚石甫

人日梅花開滿枝題牋便寄草堂詩相思萬里蓬州路報與  
春風定早知

何子貞秋林覓句圖團扇

峯頭雨過溼烟消一客尋詩過板橋吟得自家秋興好管他  
木葉脫蕭蕭

何子貞招飲不欲往

乍醒風光味最醇漫言龍性未能馴竹牀一縷秋光到淪茗  
攤書避酒人

高成濟

原名學泗字若舟仁和廩貢候選訓導著謙六堂詩稿

杭郡詩三輯若舟性沈默不事徵逐家有可園日涉其中脫巾嘯詠蕭然自足

### 三江牘謁湯太守祠

兩山合抱形蜿蜒下有石骨相鉤聯天生險阻劃河海架梁  
束版人功全越州千巖萬壑水到此會合爭趨前襟喉形勢  
實扼要中流砥柱障百川鳩工庀材大建造偉哉太守智勇  
兼鑿山足補地維缺驅石不待神人鞭二十八洞按列宿以  
字測水深雕鏤啟閉蓄洩有定則流止消長歸吾權父老百  
輩拜榻下公名早以異夢傳公生時母夢數百人羅拜言豚  
越人拜公恩德故公名紹恩豚  
魚千尾聚隄側公誠足協中孚占建開時有豚魚千尾來游  
解者謂是中孚象也功必  
成人謀既合天意助萬杵下築功力堅坐令田疇百萬頃旱  
澇有備樂利霑禦災捍患功德大廟食自合垂千年近歲越

郡苦泛濫其魚萬姓遭顛連講求水利民牧責後人所貴師  
前賢嗚呼後人曷不師前賢

徐鴻謨

字苦洲仁和諸生官江蘇揚州府經歷著蒼荷花館詩詞集

俞樾傳略君少孤隨其母孫宜人依外家居平湖年十  
二作觀濤賦驚其長老十四歲入縣學母老冀以祿養  
乃入貲爲從九品分發江蘇歷署上官時學司巡檢江  
都甘泉兩縣典史咸豐五年署揚州府經歷兼清軍同  
知以從九攝五品官重其才也君貫通經史尤好兵家  
言精奇門壬遁之術父諱鼎宰南匯工篆隸書君得其  
傳凡書畫及鐫刻金石皆臻精妙又通內典嘗注楞嚴  
經識者讚歎以爲得希有其外所著有十願齋一家言  
論墨元品奇門輯要蒼荷  
花館雜文及詩詞各卷

梅花嶺拜史忠節公墓

六星挾日過南州王氣金陵黯黯休許國文山空有淚徵歌  
叔寶正無愁庸才跋扈悲三鎮殘局倉皇痛一邱無地可憐  
問埋骨長江終古向東流



題沈鹿坪西涼紀行詩

驛路迢迢唱渭城  
陽關杯酒共心驚  
眼無秦塞三千里  
胸有淮陰十萬兵  
健筆登壇誇老將  
奇詩放膽傲名卿  
我來快讀鱣堂句  
也抵西涼躍馬行

過平望

頓覺鄉音改  
長途怨別離  
村煙臨水直  
帆影過橋遲  
漸有春來景  
新成客裏詩  
輕裝將入洛  
慚愧士龍知

任城杜文貞公祠

遺象肅衣冠  
忠臣座上看  
側身歸隴蜀  
放眼哭長安  
戎馬驚心苦  
關山入夢難  
靈旂如識我  
風繞古祠寒

游茶江謁繆文貞公祠

禍起東林幻境生  
橫空毒蝕鬼神驚  
誰憐郭泰無鉤黨  
不信

王涯有罪名完卵尙能縣世澤

子孫極繁

生祠何處問連楹湘江

蘭芷孤臣怨碧血丹心萬古清

### 金陵雜詩

卸卻蒲帆十幅輕秦淮水榭望中明  
六朝金粉蕭郎夢三月鶯花杜宇聲  
芳草凝煙春試馬歌樓傳酒夜調箏  
臨行莫問重來日如此江山送客行

龍爭虎戰各千秋結綺臨春事亦休  
紅粉可知嗁鳥怨青山終爲古人愁  
功名恥說韓擒虎氣節空懷周孝侯  
獨有江聲聽不盡霸圖猶似水東流

諸鴻逵

字儀九號子琴仁和人著碧蘿軒詩草

吳清鵬序略儀九詩多集句嗜蓄書畫甫及歲而歿玉樹埋塵可勝歎惜

老僧

卓錫歸來兩鬢霜白雲深處禮空王  
毒龍制後安禪久靜聽松風落子香

查彥鈞

字硯君海甯人官兵部郎中著眠雲館詩鈔

題壁

油簾茅屋颺朝暎風逼貂裘火不溫  
午夜嚴霜侵客鬢終宵殘醉伴征魂  
路逢原野隨天合馬踏寒冰裂月痕  
昔日柳枝憔悴盡蘆花頭白不堪論

孟蘭盆歌

冷風壓筵燐火碧新鬼故鬼相伍  
伯妖狐惡祟互主客鬼車咻咻月  
色白解釋孟蘭到迦釋鐘鼓節幢加  
束帛北槃衣裘其金壁招爾魂兮享  
爾魄鳩槃火身岸赤幘魔女翹鬟添  
嬌嬈渾迹人世相恐嚇生途執縛死  
途窄宗祖雲初返幽宅異

端何爲得於役霹靂一聲同古昔

祝

政

字谷全號榮泉海甯人著環山閣詩鈔

許膺陞傳略君幼聰穎五歲入家塾目數行下正課外讀諸名家詩輒淹貫同學典故未悉者君誦之如流水而宅心和粹訥於辨論無纖毫上人意以故遠近諸名士喜與交靡不心折歿年僅二十有三君事親孝終身無違色待親黨推解弗吝羣從兄弟友愛倍至恂恂和易與物無忤人或以非禮加之置弗較其德行又如是而竟不祿良可慨已

尖山登高

尖山山勢何崔巍羣峯矗矗蓮花開東南鼇足此立極特闢一柱海之隈我來正值題餽節石級嵯峨駭峭絕手扶筇枝鼓勇登失足不覺奔崖裂俯瞰滄溟浪似堆魚鱗塘外響喧厖潮來忽欲擁山去鐵牛微動峯疑摧秋高地空眼界闢鐘磬上方出深碧琳宮金碧耀輝煌憶昔

先皇曾駐蹕天風吹我立不牢松濤巖隙聲怒號神仙縹緲  
若可接迴頭一笑辭塵勞

環山閣坐雨

密布愁雲晝掩關園梅橫路讓人攀炊煙淡抹村前樹宿霧  
深埋閣外山病久頓教詩骨瘦交疎偏愛草堂閒遣愁無計  
聊憑酒抱膝長吟斗室閒

查世燮

字冬生號少梅海甯人著待月居吟草

杭郡詩三輯冬生善繪事人物宗高其  
佩花鳥法俚壽平各臻其妙兼工篆隸

除夕次柴丈璞廣韻

瓶水猶餘一掬寒歲除懷抱若爲寬人從忙裏消愁易詩到  
眞時著筆難已覺春聲騰爆竹但餘心事進椒盤少年莫放  
流光駛院院燒燈未許殘

張以煊

字吉庵嘉興諸生

白嶽庵詩話茂才力學獨行橐筆四方晚年館武林汪小米孝廉家最久咸豐庚申遭亂歸里賊至以硯擊之遂遇害得旨卹贈如例子雲騎尉世職

題余嘯松木瓜室印囊

漢瓦秦銅格老蒼肯沿浙派溯丁

鈍黃松小遙知長夜堅無寐

花乳一鐙明草堂

四屨文奇稀識眞空前絕學見精神六書原旨今誰討莫漫

雕蟲笑印人

顧升誥

字少眉號半村海鹽諸生著半村詩稿四卷

崔以學序略先生之詩不名一體身後遺橐放失散見于友朋僅三百有奇伯子宗歐賢而有文苦心搜錄求父執之存者同輩之深於詩者汰而存之凡若干首

謝太傅祠

絲竹中年感江山半壁支清談甯誤國破敵但圍碁此地還  
祠廟芳馨薦歲時蒼生懸望切百代起悲思

清芬祠

金香谷建祠于梅溪之旁  
祀里中詩人之無後者

春秋祀享肅椒樽奕世長令姓氏存伏闕何人追及第瓣香  
有客與招魂庭前古柏標風格門外青山當子孫得傍佛龕  
靈亦慰經聲魚梵伴朝昏

喜晴

嘒鳥破幽夢牕隙露霽色欣欣攬衣起快若去宿疾檐溜滴  
乍停花容驪無力坐看階面苔蔥翠新如拭屈指入春來忽  
忽四十日愁霖半月深急雪三度集有時天淡沱泥滑行不  
得西溪梅花開幽谷新鶯出良朋屢招游有約期恆失朝曦  
射一綫珍重百金值會當凌雙峰毋徒坐逼仄

秋夜

涼意不可畫颯然生滿林看雲眠石磴待月罷瑤琴孤館息  
羣籟幽歡動短吟苔階頻徙倚秋思渺難尋

趙宗藩

字屏山石門諸生

冷廬雜識吾郡石門趙屏山茂才佐某大令幕某故後遺孤尙幼囊橐蕭然且倉庫虧短甚多趙力爲彌縫復經紀其喪俾其妻孥扶柩以歸人皆義之道光庚子趙客臨海余時司鐸郡學過從頻數投分甚深辛丑冬去之茗上作詩留別先君子及余均有和章云

將之茗上留別

小住山城迹似蓬交情繾綣共春融行蹤自笑同遷客歸計  
惟應伴釣翁載月好探茗水曲停雲悵望越天空明年待續  
尋芳興記取花開菡萏紅

黃金臺

字鶴樓平湖歲貢著木雞書屋詩集



縣志金臺殫心著述嘗從徐熊飛游詩文皆有法度性  
好交游嘗繪扁舟訪友圖題詠甚眾主講蘆川書院有  
年耿介自守遇流俗人不妄交一言而學有片長往往  
爲之延譽故勵學之士樂爲親附焉著有駢文三十卷  
已刊行

偕柯小坡遊雁塔寺

一鳥破煙飛引客入方丈感弔兩詩僧白雲寄遐想蕭蕭風  
雨來松濤發清響

湖上秋泛

湖水淡秋影曉涼移畫橈好山皆繞郭疎柳不藏橋篷底一  
尊酒樓頭何處簫汀洲采芳杜殘夢碧天遙

蘆川竹枝詞

鳴鉦吹角勢喧阗阜隸前驅兩道開知是白沙巡檢過行人  
錯認大官來

木棉生計抵桑麻白雪盈筐婦女誇去歲價昂今歲賤村村

夜半聽彈花

主客移尊話舊歡卻無雋味佐盤餐春來白蜺秋來蜩當作

珍羞一例看

沈金城

字虎卿烏程諸生官南河通判著遇安室隨憶錄

李中絳傳略先生為余外舅學務博覽熟於河防水利官南河通判多所規益迨兩浙被寇假歸攜家避兵旋歿於滬上世居竹墩昔康熙中葉諸沈競爽一時名士若董浦樊榭論詩載酒無虛日今先生性耽吟詠里居時曾約同志四十餘人締社茗溪有蓋簪集之刻後先輝映足以嗣音惜脫棄不自收拾其居滬日與余談藝追錄舊作輒至夜分歿後余為哀輯遺篇恐久就湮沒然所存已不逮什之一矣

讀北宋史偶成

有宋受天命萬眾翊戴久生當殘殺時人心屬忠厚一旦黃袍披中外盡拱手天下自此定語出隱士口所以位未禪北

漢兵已走

偉哉武惠王無忝新朝佐良將兼良儒器識尤遠大淺識者不知乃爲使相賀君臣有同心一笑孚帝座得錢細事耳好官能幾箇

飲博每誤事英雄善用之不見澶州役萊公歡呼時矯情亦鎮物畫策尤遠思當時無萊公國事未可知不作百年計眞宗眞庸兒

崇甯大觀後權奸勢益張媼相竊兵柄公相攬朝綱君子道消盡無一安廟廊良由君德昏亦罹小人殃縱使無金人未必國不亡

靈巖山

陡爲一塔撐天起亭亭兀立青冥裏日翻倒影落晴空下瞰

塵寰三百里靈巖山秀絕吳中金鬢玉髻嵌玲瓏巔屹地勢  
相倚伏連標特出青芙蓉五湖飛送陰濤雪雪光吐納山魑  
穴長煙消盡銀屏開七十二峰咸拱列清泉泠泠滴雲根懸  
崖老樹盤硬鐵流連光景且未暇獨尋古寺摩殘碣君不見  
飛花寂寂滿蒼苔吳王西子安在哉孤鶴一唳山月白十分  
哀怨付琴臺

讀史雜感

幕府徵書日夕催翹材碣石館新開士龍賦帶煙霞氣叔夜  
詩成錦繡裁亂世文章能賈禍古來菹醢有奇才保身緘得  
金人口偷唱西京五噫哀

萬馬奔騰到朔方龍沙瀚海路茫茫誰憐戰骨埋荒冢卻報  
仙人下未央岱嶽峰高新鑄鼎飛廉館靜夜焚香史家內傳

荒唐甚猶說當年紫錦囊

半夜軍烽照未央東來衛士太披猖黑山桃李嗟寥落碧海蛟龍去渺茫坐擁節旄稱上將肯彎弧矢射天狼子嬰別有傷心處不願他生作帝王

沈

鐸字若民榮慶子烏程諸生著薜蘿館詩存

同友人方屏山弈棋

杖策孤峯頂尋幽興未移道心對流水世事付殘棋鳥下日沈處樵歸柯爛時坐深情亦倦攜手下山遲

挂瓢堂

高風信千古之子杳難攀堂上瓢猶挂山中鶴不還風泉亂雲壑竹樹暗柴關尚有殘碑在題詩剔蘚斑

岳王墳

日墓荒祠酌酒同棲霞嶺側重徘徊金人尙購胡銓疏邊將  
能同宗澤才此日黃龍空北指異時白雁竟南來行人莫問  
和戎事城闕秋深畫角哀

金鑾坡

字翰樓歸安人著  
半畝園詩鈔五卷

張鑑序略翰樓吳興雜  
詠百二十首繼武長水

題紀孝子治夫先生傳後二首

先生名峻字鐵山烏  
程人湖州府學生

披讀先生傳生平事可知六齡兒失怙十載母爲師割股情  
難已剖肝鑒在茲應偕袁孝子名大周同邑人嘗剖肝以療  
父先生詣其家拜其遺像  
奕世動人思

墟墓嗟淹沒何堪慰二親六旬長侍側

宿墓側兩  
月餘痼作

一病竟捐

身

歸五日  
而卒

曾閱希前哲荀何啟後人道宏天地塞不獨感村

鄰

楊紹修

字損齋鄞貢生  
著伴梅軒詩草

宋徽宗畫鷹歌

畫堂颯颯涼颼動  
歛見蒼鷹雙翮聳  
縞素漠漠風沙開  
燕雀潛逃狐兔悚  
披圖問此傳何年  
來自宣和御座前  
素練分明題歲月  
臣京小篆印猶妍  
吁嗟宣和宋末造  
元祐詒謀盡如掃  
禍胎始自熙甯中  
遺孽紛紛尙顛倒  
妖人童貫與蔡京  
書畫玩好爭逢迎  
天不祚宋社將覆  
君臣猶謂安無傾  
應奉局花石綱搜巖  
剔藪徧四方  
畫師好手一小技  
九重與之爭低昂  
燕山瑟瑟鳴戰鼓  
萬乘倉黃避江浦  
畫花欲語鳥欲飛  
筆精墨妙竟何補  
可憐易服金營裏  
文采風流少知己  
從亡無復舊諧臣  
死義惟傳李若水  
父子流離五國城  
蒼鷹天半猶飛鳴  
鷹平鷹平安得如  
爾騰霄漢解絲片刻  
還神京千年恨

事今如在墨蹟流傳幾桑海披圖想見丹青人半臂親書定  
追悔圖畫流傳信有神亡國之物奚足珍從來藻火山龍服  
豈是含毫吮墨人

嚴

恆

字立方號笠舫慈谿人

董沛曰笠舫少學賈航吟詠與鍾學士駿聲輩相唱和  
學士採其佳句入詩話中又工繪事蘆雁尤生動得邊  
壽民遺法與弟益同處終身和藹無間宗師稱之

登仙巖洞

策杖仙巖路欲窮白雲深鎖翠微中老僧遙指叢林處轉過  
山坡有路通

鵲鶴徵

字雪舫山陰諸生著唫秋樓詩鈔初二三集凡十二卷

宗稷辰曰雪舫與先兄眉仙陳丈拜薌為三友獨于先  
雷州公委心居弟子列後遊江淮與吳中詩人角旗鼓  
久之歸越教邑弟子為詩刻其詩三集皆弟子力也年  
六十九病溼余侯視忽呻吟成偈曰白如雪朗如月心

兩浙輶軒續錄

卷三十九

嚴恆

鵲鶴徵

五

八



地光明天皎  
潔含笑而逝

孫德祖曰先生與笠舫同時與于鷗社嘗為素真令書  
記襄校縣試拔少宰吳和甫師存義冠一軍師督學來  
浙按臨越郡親拜其墓并訪其後人于周雪鴈借無  
有能嗣家學者雪鴈則先生女婿也嘗為余言之  
陶潛宣曰君初名鶴舟刻陰秋樓二集時始署今名鷗  
社中之最著者詩境清華微宛自然入妙其自題詩集  
曰萬籟不生秋在樹縹雲無翳月當天試將此境開相  
擬只恐清虛或未然深造之境非它人所能道也又按  
自序曰自惟半生鬱鬱久居未獲遍歷海內名山川及  
交一時奇傑之士故其詩如空谷幽香知之者鮮稟刻  
而未行世久訪始獲  
爰多錄之以防散佚

### 舟中聞雁

天高霜欲落一雁叫沙洲孤客他鄉路寒江獨夜舟定知飄  
泊意其此稻梁謀到處防矰繳蘆汀莫暗投

### 二樹山人畫梅為小樹賦

二樹山人仙去不再來山房但見梅花開梅花耐寒香不死

春風吹上剡藤紙此紙流傳三十年楚弓楚得非偶然竹林  
小阮倍珍惜索我題言記靈迹展卷焚香寫此詩愧無梅幹  
槎枒一枝筆

三十初度述懷

詩酒因緣尙未除蓬門長駐故人車貧難自給還留客閒覺  
無聊且讀書白雪襟懷嫌冷澹野梅標格本清疎虛名浪說  
居王後兩字聰明愧不如

杏花春雨奈愁何廿四番風一半過終古文章知己少年來  
兒女累人多買山待結吟詩社對酒長爲斫地歌彈指芳華  
隨逝水那堪此後再蹉跎

春日邨居雜興

萬个琅玕繞屋栽吟窗面面對山開輕雷乍破三春筍疎雨

新添一徑苔老衲慣尋雲作伴故人時與鶴同來相逢但醉  
醪醪酒更莫登樓賦八哀

跋湯卿謀湘中草後

賭罷香囊更鬪茶南樓風月最清華半簾花雨拋紅豆雙管  
松煙沁碧紗畫帳低垂秋夢瘦春山淡點指痕斜平生豔福  
都消盡燦作優曇一現花

金戈鐵馬慘軍聲末路無勞再請纓恨煞養奸畱豎子可憐  
憂國有書生城荒草木家何在劍舞雌雄鬼亦驚慟哭橋陵  
三日夜死將跋浪斬長鯨

月夜懷杏林

風露浩無際登樓人悄然秋懷涼似水月氣靜生煙獨酌易  
成醉苦吟誰見憐定知幽賞客清絕不曾眠

青藤書屋弔天池先生

三百年前一老僧才兼仙鬼骨峻嶒紅燈疲馬辭京國

先生御體

貴聘夜出京師

白髮秋原拜孝陵兩表文章傳白鹿半椽風雨臥青

藤臨池忽悟如如化

先生自題天池云一池金玉如如化滿眼青黃色色真

參透禪宗

最上乘

夜半傳呼醉漢來青衫馳馬戟門開將軍下士真千古幕府  
談兵有此才到處狂名驚草莽橫空筆力鬥雲雷而今化鶴  
人何在老屋秋林暮雨哀

宿鎮海天香館

孤艇乘潮落疎篷入夜收重登江上岸小住水邊樓白髮逢

僧話

遇普陀僧慈永

紅燈照客愁明朝挂帆去一覽海天秋

渡蛟門

斷崖千尺插江天  
齧水嵯峨石齒堅  
萬派到門齊出峽  
亂帆如馬快爭先  
寒潮寂寞魚龍夜  
故壘淒涼戰馬年  
我帶孝侯三尺劍  
船頭高枕浪花眠

小雲棲訪已香

與宏

亂蟬聲裏木蘭舟  
來訪雲棲小寺樓  
疎雨香生紅藕晚  
綠波涼送白蘋秋  
到門鷗鷺俱相識  
出郭林塘此最幽  
且共阿師三日住  
粥魚茶板結清修

春波橋

絕憐鳳泊與鸞飄  
孤負花朝又雪朝  
才子愁多爭耐瘦  
美人魂斷不堪招  
幾翻舊夢都如水  
第一無情是此橋  
終古春波響嗚咽  
可知幽恨未全消

三江觀潮

昔年曾看錢塘潮潮聲怒挾風聲驕狂濤迅速一百里倒捲  
銀河瀉秋水今年八月秋潮天挂帆又放三江船三江城頭  
人鼎沸半空已作魚龍氣是時日午潮未來應宿之牖橫江  
開眾流到此迸力赴洞門偪仄聲如雷外江內湖勢懸絕俯  
視飛流肝膽裂素練橫翻笠澤雲涼珠亂濺峨眉雪倏忽澎  
湃馳長風一綫來自天頭東力排淵岳走精銳天吳海若紛  
相從盛氣橫空收不得直到塘邊怒衝擊河水奔流江水立  
萬派奪門爭出入沙飛石走雷雨驚金戈鐵簇錚錚鳴素車  
在前白馬後列宿大戰昆陽城須臾潮平江亦靜暖翠浮嵐  
照西嶺遠岸斜翻蘆荻花碧天倒浸琉璃影靈風拂拂吹畫  
旗同游走謁太守祠千秋大筆有述作豐碑屹立蟠蛟螭銘  
功載德頌不了回首斜陽下林杪急催短棹放歸舟晚江一

葉蜻蜓小

毘陵追輓洪稚存先生

春風載酒白公祠曾見先生海鶴姿  
藤杖一枝華頂雪麻櫬  
萬里玉關詩江南白髮凋耆舊  
閣外青山長巷蔬寂寞陽湖  
湖畔路我來可惜十年遲

登鍾山望大江及金陵故宮作歌

大江湯湯流向東赤日倒射波濤紅  
龍蟠虎踞此形勝令我  
弔日懷英風當年炎漢季末造三分割據來羣雄  
江東紫髯  
洵神武怒抉霹靂鞭靈曜樊城戰紀陸遜烈赤壁燒藉周郎  
功後來再傳亦示弱笙歌晨夕娛深宮樓船百道倏飛渡空  
教鐵鎖沈江中六朝南北盛文物清言往往來羣公妙選佳  
麗足歌舞妄希仙佛談虛空新亭慣作楚囚泣石城又報齊

師攻盛衰興替不旋踵眼見玉樹成飄蓬有唐五代及趙宋  
是不一姓聲教通真人淮泗崛起廓清宇宙開鴻濛層壘  
迴環疊飛雉複道迤邐連長虹鸞臺鴛瓦綴金碧鳳樓虎觀  
交崇隆想當定鼎建都會開基儼若鎬與豐豈知燕子忽飛  
入可憐骨月興兵戎閱十四葉愈孱懦斜陽一片降旗烘南  
都區夏三百祀僅託此地相始終方今疆域邁唐漢其球萬  
國咸來同名山長白峰峯粵大江鴨綠波洶濤會當觀光詣  
京闕開拓鄙陋驚愚蒙太平作歌頌  
聖德歷千萬載垂無窮

游攝山棲霞寺

青山招我游林際一峰露入林不見山此峰落何處蜿蜒石  
磴斜曲折轉前路修竹森琅玕清流響韶韻煙霞態萬變忽



與文字悟落筆超神機觸手多活趣慎勿學磨驢團團踏故步

細泉滴珍珠危崖疊層浪一疊浪一層勢若與之抗石骨森  
開張雪濤聳奇宕萬古長洶洶屹立松頂上我從揚子來快  
渡黃天蕩狂波二百里布帆幸無恙不意巖岫閒復此江湖  
樣世路多險巇客心獨惆悵安得半畝山讀書對青嶂

月夜渡江

江月團團出江底萬點金波盪江水玉娥擎裳踏浪起亂擲  
明珠打龍子扁舟獨夜對江開煙際飛帆葉葉來一色好風  
三百里吹簫直到鳳凰臺

重勒曹娥碑歌

并序

漢度尚曹孝女碑在會稽舜江之側歲久湮沒吾友

東十峰屬錢梅溪仿漢隸勒石補之今年春晤十峰  
於吳門爲述其事作歌紀之

一十四齡曹孝女千七百年留片土鑿石誰將漢碑補十峰

十峰真好古錢生下筆經且奇羲娥星宿撫無遺

用竹垞句試將

薤葉鶴頭帖配他幼婦黃絹詞漢文漢隸兩炳耀大碣巍峩  
豎殘照定有青衫喚渡人駐馬江頭獨憑弔傑哉是舉眞可  
傳由來復古須豪賢此碑況乃植風教迥異葢嶺蘭亭篇高  
遷亭下水波綠挂帆又唱江南曲要離冢畔逢故人索我題  
詩紀靈躅疾風怒挾江潮流疎篷雪壓春塘舟醉傾醺醪寫  
長句朗吟不怕魚龍愁

山塘風雪舟中作此

涼波八月秋江路看我乘

槎賦歸去相訪會無百里遙臥讀且當三日住

東隱仙菴朴山道人

隱仙道人肯高臥一菴謾謾松風吹清襟疎比石田畫鶴骨  
瘦於東野詩七絃玲瓏眾山響五字突兀長城支梅花開日  
定相訪竹根與爾杯重持

雲門訪王大令故宅

三十六溪春水綠幽磻泠泠瀉寒玉挂帆遠放雲門舟翠竹  
清沙路千曲眾峰窈窕煙沈沈隔竹已見緇桃林花開十色  
紅霞錦松響千秋碧玉琴清風吹到寺門下藤杖芒鞋頗瀟  
灑舊是烏衣燕子堂今爲白足蓮花社荒園寂寞蘚痕殷筆  
冢橋亭想像閒片石尙摩前代帖五雲長擁六朝山齋廚飯  
罷鐘魚歇香閣燈涼照蕭瑟把酒空懷杜牧之題詩不見王  
摩詰二十年來此地游今朝重上夕陽樓鬢絲禪榻西風裏  
只恐青山笑白頭

船山詩草題詞

金張世德本清門五葉無慙宰相孫  
早博科名身轉暇晚辭軒冕道尤尊  
驚人突兀多奇句滿紙淋漓是酒痕  
一盞寒鐙詩一卷破窗風雨正黃昏

久領鴛班侍玉階一麾出守又東萊  
世閒何物能公道天下無人不忌才  
六偈任從杯底悟萬山都向筆尖來  
長官難得清貧甚日日高居避債臺

金庭相公再世經

并序

六竹菴有宋張文忠公手書維摩經半部明朱文懿公續成之筆迹如出一手遂傳朱卽張之後身故名再世經事見倪恆園筆記恆園文貞猶子勝國知名士也一說文懿晚歲退居瑯琊山館有僧自峨嵋來

攜其先師血書未完蓮花經示公公詫其書法類己

丹書續之名再世經遂疑文懿前身爲峨嵋老僧云  
山圍古屋琅玕青伏梁舊貯維摩經清河侍郎寫未畢誰其  
續者朱金庭煙雲中隔五百載今昔遙遙若相待一樣金華  
重姓名幾行貝葉生光彩珠聯璧合精神全梅花明月非無  
緣張平子疑蔡邕後諸葛君定韋臯前或云峨嵋老僧來越  
絕補乞瑯琊丞相筆書成已結再世因歸臥千峰萬峰雪此  
說幽渺兼虛空傳聞詞又多異同何如兩公風節著青史後  
身文懿前文忠況復雲林藏祕籍故事搜羅頗精核看竹還  
尋十笏堂繙經靜對三生石

送蓮舫先生謫戍伊犁

絕塞崎嶇道路難九邊風色萬重山好從博望探河曲終見

班超入漢關大漠驚沙盤馬足高天明月指刀環策勳自効  
他年事莫遣霜華點鬢斑

山雲篇呈芥老人

淫雲山半生飛落溪九曲一曲雲一層滄然盪蘿屋山人曉  
不眠開軒起櫛沐脫卸舊朝衫還我芟荷服茶熟聞妙香興  
到書幾幅出門眺孤峯秋痕插天綠不見故人來浩歌入雲  
谷

立春日作

屈指流光近七旬太平風物歲華新到門漸已稀同輩下筆  
終當讓古人紅燭開樽聊應俗白頭扶杖又逢春湖山八百  
書千卷送老從今不算貧

施璞園柘厝羅門三十年矣其子貧不能葬爲作小啟

告助事竣敬焚一詩

破屋通風雨荒寒竟卅年死無歸骨地生斷買書錢窮薄嗟  
孤子艱難想九泉白頭餘我在淒絕古城邊

閒居述懷

習嬾頻敲枕登高不上樓衰憐筋力倦閒抱古今愁愛潔眞  
成癖耽吟欲借秋苔花青幾點差喜草堂幽

古詩十首示盛嘯松上舍

錄四

一生不讀書載籍旨亦明一生不講學理欲界亦清功名旣  
難遂事業且未成寬閒百年內寂寞千載名惟餘一卷詩頗  
具眞性情開編自怡悅養此心太平

少年事帖括一試竟登第不入翰墨林卽膺民社寄居然古  
諸侯統御百里地催科法獨峻餘者皆臥治但博大吏權任

下小民淚吁嗟人性同今昔何迥異不獨循吏難并且無酷吏

年老血氣衰所戒乃在得聖人有明訓胡爲蹈覆轍良由世故熟所慮事非一既深子孫謀復恐勢位失欲壑難飽填貪念自縈結豈知府中藏皆屬身外物漏盡鐘一鳴黃金黯無色

衰齡思有作氣盛力不前動足未百步中道復言旋譬彼殘冬花顏色非不鮮朝榮夕已悴零落嚴霜天人生慕行樂行樂趁少年請看綠鬢客轉瞬成華顛

徐

元

號蘭舟會稽歲貢

孫德祖曰先生以耆宿爲郡邑大師生平爲內行敦風誼而性高曠困于科目无悶焉好放翁詩書法松雪兼善圍碁講授之暇每以自娛咸豐中先大夫聘就家塾授不肖經館黃楊書屋者凡二年臘高辭去用聚頭扇



書舊棄為別經焚燬之追  
憶僅得近體一章而已

### 寄懷寄雲上人

自與寒山侶逢君每有詩散花初地月淪茗晚春時禪悅迎  
機捷碁聲度暑遲崦梅經久別為問可相思

吳杰

字文豹號沅芷諸暨諸生著日慎軒詩文集

郭鞏曰先生結交多豪俊值東南多故上書幕府思自成一隊當道咸壯之又嘗佐長興縣幕民以漕事激變回測令愕無措先生為立談解遣事遂寢

破賊行贈陳澍卿

有序

澍卿名紹裴臨海人勇而尚義工技擊與余邂逅武  
林歸索贈詩余慨猛士之不用而恐其精銳之日銷  
也為作破賊行以張之

丈入之矛三尺劍男兒縛袴事征戰平明破賊夜半歸殺賊

還禽賊酋獻陳卿材武人中豪仰天噓氣天爲高忽聞賊警  
裂眚起攝衣斫折雙寶刀逢君不用詢家世忠節猶傳舊門  
第三十功名未有成長虹欲鏞龍泉字我亦奇勳慕衛霍七  
十頭顱終寂寞知君少儔復何傷未必願領成零落三吳兩  
楚莽風塵烽火連天膽一身手斬長鯨從此去由來曲逆豈  
長貧輪囷鬱勃膽如斗會須一掃空羣醜慷慨離懷起飲君  
屬君無忘此時酒

呂錫璋

字栗齋嶧諸生著  
田廬約笠翁吟草

更樓

鹿門異境半山開編石成樓氣壯哉洞口行人衝月上林閒  
飛鳥破煙來禪關徑曲風吟竹古院壇空雨洗苔時有野雲  
窺色相尋幽何必到天台

羅致一

字繼禮號敬齋黃巖諸生著映劍集

時事四言六章

九月繁霜禾黍黃黃三農在野縣隸下鄉

我糧旣征我米旣清隸也何事怒我編氓

隸曰奉官官曰遵例有契未鈐罪爲漏稅

農田無多厥稅幾何毋毀我室妻子滂沱

爰質我衣爰售我畝躋彼公堂奉我父母

野有餓鍾其來如蜂上帝悠遠訴之無從

王

堃

字厚山號小鐵仁和人道光甲辰舉人官雲南澂江知府著自怡軒詩集二十五卷

家傳略公素工詩並善書畫由內閣中書協辦侍讀出守澂江時年已六十矣宜滇十年一權永昌府篆卓著

政聲爲大府稱賞七十後歸田猶復與里中朋好流連詩酒優游者數年

輪船行

南北道梗跨海東夷船高矗凌天公雙輪夾水烈具舉水火  
既濟揚波中巧借火力撼驚濤不問順逆天闊風洋工剗製  
奪造化頂平若臺成夷變小舟過渡得依傍天梯石綫聯長  
虹船高數丈桅鐵并蜚輪溜嵌中玲瓏黑鬼狂呼似山魃抽  
薪撥火光熊熊測景定方駛西北直望無涯沸潰灑入艙倒  
落掛綳孩人多窘束眞馬礮又如地穴千丈墜不能仰視猶  
惛懔旦夕僵臥廢飢渴吸茶艱似珍駱酕呼眠喝食聽予奪  
搖蕩粵狗來認詞汪洋黑水更險怕巨浪掀天迷亭墮舟中  
但聞萬馬聲百怪淩轢驅沖融弱息中搖況驚褫頭眩胸隔  
神皆恍所幸儵歎達千里直過青齊津沽通海程四千百餘  
里不四晝夜停歌戩聽說已到北直界陡覺神健眼不矇遙  
瞰高岸浮一綫灘沙已溜船艙腹下視小艫不可渡駭浪擊

風聲樓逢眾客奔走鳥獸散但得實地便鴻網我攜細君并  
弱弟入險出險由蒼穹棄船登陸夜三鼓昏黑投店彌惛惛  
土榻安眠息困頓不覺簷日光催紅

過黃德坡

莫道滇南暖嚴霜怯曉行草深蟲不語林悄鳥無聲荒店鮮  
衣少疲騾負擔輕丁租催上庫汗血惜民情  
夾石成巖巔肩輿鳥道穿亂山隨路轉落葉任風旋壁峭峯  
如撲厓深馬不前民瘁同可畏莫漫著先鞭

游城東鸚鵡山太和宮銅殿見吳三桂所遺刀劍各紀

一律

剽犀斫兕仗神豪傳說平西鐵寶刀半段那如舒翰戟一枝  
空認彥章篙翦仇鋒冠三藩勇跋扈塵飛貳負囂歎息白龍

橋下隊蟲沙何處覓烏靴

千將曾否躍延平五尺鎖鎔劍器精匣脫離宮驅鬼怪銚留  
道院拂欒槍神舍秋水嗟非主雄鎮滇山當作兵想見十圍  
腰大處橫來虎氣谷風生

胡

琨字美中號次珞仁和人道光甲辰舉人候選教諭卹贈都察院經歷

浙江忠義錄琨少穎悟於書無不窺父敬官翰林學士以詞章鳴海內琨與兄理克繼家學嘗謂讀書人當專事經史方爲有用之學又嗜算法與同里項名達戴煦講求弧綫之術尤精咸豐十年杭州城陷琨載妻孥至艮山水門不得出日樂哉此清流也吾得死所矣遂投水死妻孫氏妾方氏女和從之

題洽川上人冷泉禪話圖

俗人不解風旛趣解人又乏繡經處佛憐知者多苦求一水  
渟泓向山住道人夙欽清淨意卓錫看泉便流寓呼猿洞口  
問桃花靈鷲峯前參柏樹點頭證得石上佛拈布吹成柳邊

絮時還見樹獨交藤有句原來是無句閒中有客來相語水  
波雙絕心何慮道人勸客勿多言且學從佛喫茶去

撲滿

疇把慳囊破庸夫例守錢是中原渾沌其閉勝關鍵漫比卮  
無當羣誇壑可填挈瓶同吏智入甕請君先欲飽盈升橐全  
憑徑寸咽狀摹讒鼎肖名記斲筍傳廓落腰圍大逢迎口角  
圓鴟夷盛處處甌璧運連連插腳皆津要撐腸豈簡編封椿  
聊作庫投匭未須箋通透周陶穴微芒蜀漏天重輪榆莢聚  
靈竅藕絲牽傀儡場登矣葫蘆樣畫焉金多終擲地玉碎早  
成煙厚斂三都賦紛流九府泉環推齊殿上斗撞楚軍前權  
總歸於母胎雖脫可仙貫盈纏解散巢毀卵完全瓢已拋門  
外芻從輶道邊蚨飛光厯亂蜨化態翩翹主父遭烹日齊奴

赴市年散來真滿屋得後竟忘筌墮甌邀誰顧遺羸枉自憐  
寄言牟利者休恃腹便便

樊

元

字小園仁和人

丁丙曰小園丈先中戊子副榜丙申父歿家政勢如獨  
任經理使弟昆子姪皆得從政讀書以縣先緒何星橋  
先生及門甚盛身後蕭然丈獨梓其遺文嘗於五經  
講義中增摭眾說辨別異同纂輯成書惜毀於兵燹

喜雨行

并序

移家上虞寺前村辛酉秋擬挈長孫恭煦歸杭祭掃  
因雨不果未幾杭城被圍賦此志感

蒼蒼者天眷我厚時維九月歲辛酉移家避難越山居拜掃  
思向吳山走那知頭上片雲來三日爲霖雨偏久倚裝閒暇  
課童孫臨浦驚聞猝失守西興梗塞路不通挂帆難渡錢江  
口餘生免再入危城好雨好雨九頓首儻使庚晴我已歸身



陷饗城禍盈肘雷霆雨露皆天恩書示兒孫識座右

江耀南

字又溪富陽人

許淮祥曰又溪年丈在籍辦團練咸豐十年杭州陷督民團晝夜巡守次年杭城再陷富陽亦失時已積勞病廢爲賊執去百端辱之不屈復陰賂庖丁欲毒賊渠事露榜掠無完膚不食五日死子仁葆乙酉順天舉人

詠雪

何人詩句關瓊瑤會結銷寒慰寂寥光冷三更搖素壁花開六出舞迴飈紅燒春煖銅鑪透白戰詩吟玉屑飄韻限尖義難熨貼夜深酒醒更香消

錢炳森

初名銘恕字子方號東軒又號芝舫泰吉

邵懿辰撰墓表子方沈實穎敏其伯父曰四水先生有志正學而早死子方後之弟子密幼受業於子方以拔貢官吏部咸豐甲寅春謂子密曰昔方百川語其弟望溪曰吾與汝得常家居俾二大人無離憂足矣我誦而懷然乃相與還海昌是年十月感寒疾卒年三十九

贈潘梧君茂才

詩人

吾師古儒者

謂伊人先生

默養萬物春論史究班馬讀書搜墨荀

著作陋束筍懷抱迴絕塵君爲師從窮淵源良有因植行粹

而清勵志堅且醇險語鬼膽破奇言俗眼瞋文章本載道此

義忽以湮惟君慨浮靡持論殊斷斷披吟口不輟傳鈔手欲

皴理博文何約道富身忘貧刺譏藐貴顯闡揚逮隱淪卓識

嚴菁蔡古音鏗韶鈞氣漸傲兀化名與寂寞鄰士也盡如是

那不風俗情我師不可作話舊徒悲辛君能成家學努力追

古人師言願共守醞釀存天真

師每語銘恕曰常常醞釀則天真自存

周鐵崖舍人

士燭

女刲肱療母紀之以詩

噫吁嘻周女之孝古所希刲肱療母人不知刲刃喋血甘如

飴仰天露禱前陳詞至誠感神神鑒之嘗草制藥始伊耆古

來和緩稱良醫此法未聞能起衰那知身者親之枝骨肉一  
氣無參差至情至理夫何疑閒不容髮勢極危生死利鈍非  
所期巾幗若此愧鬚眉或謂學者韓是師鄆人有對大筆垂  
事親色養樂怡怡孝行至庸何取奇此論大醇而小疵還之  
父母體何虧孝女則孝慈母慈懸諸日月綱常持于歸王氏  
中饋治舅姑敬事家人宜阿翁語我意含悲理果不朽數何  
奇女貞之樹經霜萎君言觸我悼女時太上忘情能者誰余昨  
冬喪長女吁嗟君女不可追雖死如生女之儀七誠有作推班姬  
柳絮因風謝女姿不櫛進士工文辭未若君女純孝思徹其  
環填北宮兒緹縈上書刑不辭中壘列女史傳披君女首出  
非肩隨鬼神可泣謠歌詩何人爲書黃絹碑

甲寅四月出都途中述懷次許星叔

庚身韻

坂經九折敢馳驅險阻親嘗我馬瘠未靖烽煙多戰壘誰諳  
韜畧論陰符馭夫詭譎刀藏腹石徑欹寄劒割塗欲遣閒愁  
沽濁酒三蕉小飲學髯蘇

喔喔雞聲旅夢殘平心自覺世途寬萬重山向雲中立半夜  
潮曾海上看還讀從教商舊學娛親端不羨高官同行幸有  
詩人在牛耳先盟幟樹壇

### 海昌孫吳二甄歌

玉版金璧書不載丹雀白鳩史不記帝王之寶別有在侈陳  
符瑞由叔季赤烏及天冊後先若一致二甄分明建元誌何  
不并鐫天平墜成字

天平墜成字見國山碑

鹽官敦樸留古風不與石

函固碑同獻媚篆書彷彿皇象筆綽有孤飛獨舉意

天發神識碑爲

皇象書袁昂評象書如音韻繞梁孤飛獨舉

寶文塔旁肅兔亭三女堆前覺王寺

孫吳時遺迹均見州志

古甄偶出亦堅緻不如此甄甲子可考代可計

江東傳家存世系

舊有三女堆甄硯惜無款識

吁嗟乎赤烏之政遠遜黃

武與嘉禾十三年廢太子和太子之子後歸命天璽瑞應乃

在司馬家

叶

妖孽卽由祲祥伏人主不悟理則那君不聞漢

武芝房寶鼎歌般般濯濯休徵多長生未央果若何瓦當流

傳徒令弔古頻摩挲

陳翰芬

字仲泉嘉善人道光甲辰舉人官江蘇常鎮通海道署勝蓮花室詩鈔

丁卯二月十八日大風紀異

庭檐上初旭曉起驅車行出郭未十里長空天晦冥狂飈捲地來勢挾雷與霆初訝海水立奔騰波濤聲又如昆陽戰屋瓦羣飛鳴嘗讀西漢紀外家擅權橫五侯同日封黃霧塞八絃又考洪範傳曰蒙占咎徵此皆未造事天變乖恆經

聖世無弊政中興清且明胡爲有此異無乃天戒盈況復四海內俶擾多紛爭南服甫底定秦涼亟徵兵斯民遭荼毒衽席難偕登天意自仁愛災變非虛生側身能致福恐懼脩明廷杞憂不足道所望賢公卿急洗三風訾和甘調玉衡穆如清風歌惠我蚩蚩氓

臺陽雜詠

乘興聊爲汗漫遊長風吹送海東頭談瀛喜其無雙士破浪誰居第一流幾處壞牆聞蝎虎地多蝎虎鳴聲頗壯過澎湖始無數行古篆見蝸牛牆壁間蝸牛極多臺陽五月涼如許老樹榕陰滿院秋行廊窗前

古榕甚大

荷蘭遺址見荒城羈客來遊百感生海霧陰晴餘瘴氣天風日夜激濤聲蛟龍自昔防爲患地爲鄭氏所踞數十年蠻觸於今勸息

爭

日本與生番構衅用兵

見說陸生東渡日定知談笑靖戎兵

輪船巧製奪天工二十更程一日中

海道以六十里爲一更福州至臺十九更半

豈有功名酬博望慚無文字繼坡公佛桑花好千條豔仙荔

香濃萬顆同他日還家談異事羣飛親見大魚紅

澎湖洋中見飛魚甚多

鄒衍談天未足誇九州以外有人家扇搖風過檳榔葉

臺郡出檳

扇毬簇香來茉莉花

產茉莉甚賤簇花爲毬

鹿耳門高風逆浪鯤身水

淺漲平沙

鹿耳門不能進舟七鯤身近皆沙漲

我來遊興真奇絕合有詩編貫

月槎

朱泰脩

字鏡香海鹽人道光甲辰舉人官江蘇寶應知縣著竹南精舍詩鈔四卷

家傳畧公生平見義必爲振飢團練實事求是尤喜獎勵後進主講蔚文安瀾兩書院多所造就

食鴨餛飩二首

秀州城外雪初晴佳饌登筵動客情一氣鴻濛包者廣九秋  
蟬蛻脫然輕辛盤白玉霏香屑卯飲紅鹽漉水精記取餽飽  
新樣好莫誇鱸膾與莼羹

甘脆調和漸失傳鑪頭空復咽饑涎西埏北麗舟頻檣雨穀  
風胎品尙鮮湖上櫂歌翻阿子船梢口喫便長年屠墳秋鳥  
同珍重染翰應將食譜編

隅園懷古

驀從城市鬱林巒相國名園拓地寬一水滌洞同拙政  
六飛巡幸慶安瀾尙餘

雲漢穹碑在莫作滄桑廢墅看聞說烏衣賢子弟政成歸里  
耐盤桓

葉廉鶚

字勤誼平湖人道光甲辰舉人著海棠集詩草

兩浙輶軒續錄

卷三十九

朱泰脩

葉廉鶚

三



家傳畧公幼卽工文比長好學深思所學益進尤工詩賦避地甬東掌教慈湖書院歸後主當湖九峯兩講席多所造就纂修平湖縣志

孫德祖曰庚辰辛巳閒余就聘纂修慈谿縣志開局慈湖書院先生手題聯額猶有存者邑士皆護惜之可以知先生教育之勤足留遺愛竊謂近世自校官失職而書院掌教之任重安得如先生者分長名山俾人才胥歸陶鑄哉

### 題趙子昂秋江待渡圖

江湖滿地客悲秋卻寄閒情望遠舟爲問吳興工寫意南來曾憶渡江不

壬戌元旦五十初度

感慨中年事飄零逆旅身亦眉猶徧地白髮欲侵人多難憂衰病餘生樂賤貧漫天風雪壓山骨自嶙峋

趙景賢

字季侯號竹生炳言子歸安人道光甲辰舉人授福建賢糧道殉難卹贈巡撫賜諡忠節

先正事啓公以內閣中書在籍任團練事咸豐十年二

賞額

月殺賊數千初解湖州圍以道員用四月撫蕭公翰慶散卒

旨記

血戰再解湖州圍奉以道員用四月撫蕭公翰慶散卒

同救

府城擊走賊酋陳玉成六月規復吳江毀平望賊壘十餘

援解

省城圍湖防又告急回偵得報將劉仁福謀內應

計礫

仁福戮其眾三解湖州圍

賞按

察使銜十一年九月賊來益眾連敗之再援杭州破賊

卡二十

有奇賊乘虛犯大錢口又陷湖府成孤注公猶誓

百餘艘

時太湖皆賊有杭州又陷湖府成孤注公猶誓

死守偽

忠王李秀成遣使招降立斬之授福建糧道十

二月大

雪三晝夜冰厚數尺礮船膠不能動同治元年

正月賊

遂踞大錢口絕餉道蓋屢受湖防之挫死傷山

積爲坐

困計公猶率壯士由南北兩門出各掃十餘壘

運賊糧

入城於是四面皆賊城中兵民十餘萬糧且絕

矣

上甚惜公才二月

賞加布政使銜即飭赴新任並寄

諭江督曾公國藩令密飭輕裝入閩移其捍衛桑梓之力以

固閩疆

公誓死益堅五月三日雀鼠皆盡而城陷大呼

叱賊酋

譚某毋殺軍民因拔刀自刎爲所奪擁公至蘇

賊酋李

世賢百計誘脅不爲動世賢赴江北誠譚勿殺

公公見

輒罵二年三月十八日有信公謀襲蘇州者譚

道景賢

置酒詰公且誅以死公大笑曰求之一年不得今何幸也連舉數巨觥罵益厲譚舉烏槍洞公霄乃死年四十有二公身材不逾中人貌特偉異口可容拳大小百餘戰皆親冒矢石俘賊必浮白斬之湖州陷

延旨數詢公下落死事聞從優議卹事蹟宣付史館  
賜諡忠節於湖州建專祠先是公子彥深寓湖南聞湖州陷大慟服毒殉父年僅十二湖南撫臣為奏請

旌卹至是耐祀焉寇亂以來以鄉紳毀家紓難登陣效死血戰三年殺賊萬計死守孤城逾六閱月力竭被執幽繫經年百折不回卒罵賊以死若公者拘一代奇烈為時所罕見

者矣

孫德祖曰山陰褚繼曾錦湖錫之師次子也先以父子遇賊爭死為賊掠及杭州溫汝超次言與公同羈蘇州公難中飲酒賦詩凡百餘首二君皆屬和閒亦助公罵賊賊以公故勿校也李逆去蘇州猶切誠譚勿殺公公知譚不如李之狡黠可遂死志因促二君行且曰稽子有老親俱死此無益語守者縱之守者苟求當公意遂弛其防二君乃得逸而公死矣錦湖每為余言李逆必欲降公開日必置酒款公公死矣錦湖罵李益殷勤醢而無少近覺公酒酣且搏擊則遁去曰趙先生又醉矣已而復置酒如初公罵亦如初公嘗曰吾至此不復作溝

演自經矣要當使賊齟齬

吾乃快耳其烈也如此  
緝雅堂詩話忠節成仁時年僅四十有二稽其臨難之際堅忍艱苦皎如冰雪貞如松柏非古之人與詩思沈鬱不事塗飾而風格自上山

文山集杜同茲心曲爾

辛酉十月有感而作

自親矢石又經秋多壘空增四國憂病骨支離仍乘障豪情慷慨獨登樓一腔熱血從何灑萬姓生機尚可謀桑梓安危桑土計迨天陰雨要綢繆

冬夜偶成示溫次言

空城木葉晚蕭蕭午夜風聲似聽潮無寐一編鐙自照高吟百甕酒能消哀時王粲詞偏美避地梁鴻迹已遙不用登樓頻望遠青燐白骨遍皋橋

絕命詩

豈待孤城破方嗟力莫支從來量守義敢以死生辭亂刃交  
揮處危冠獨坐時相持不相殺鼠輩爾何知

裂眚呼狂寇奚煩講說多斷頭身自分抗手意云何厚貌徒  
爲爾孤臣矢靡他空勞樽酒獻罵坐更高歌

猝爲羣盜困遑敢學文山且盡從容義聊驚醜類頑單辭明  
順逆正氣懾神姦反覆誰家子相看祇厚顏

是豈天良見環觀涕泗揮但期能悔禍豈必與生歸伏劒余  
何憾投戈汝莫違漫收吾骨葬暴露益光輝

郎玉銘

字九能號小蘇葆辰子安吉人  
道光甲辰舉人著小蘇偶存稿

湖州詩錄小蘇以貴胄折節讀書所爲詩不  
宗家法聊寫磊砢不平之氣其風趣可見矣

### 村居卽事有感三首

無人種稊稊稊何蔥蔥終歲植嘉穀穀不年年豐洪鈞待

嘉穀不與稊稗同農夫喟然歎以爲吾道窮

瓜畦久不雨安得瓜蔓敷畦旁汲井水灌漑動輒轆瓜蔓漸  
纍纍不覺井水枯食瓜亦適口還念枯井無

種豆豆已成采豆作羹臠豆莢登盤殮豆苗棄溝壑向非根

本生莢復安所託待豆抑何優待苗抑何薄

鄭聖賜

字方金號弼菴鄞人道光甲辰舉人官內閣中書在籍殉難卹贈知府銜襲雲騎尉

浙江忠義錄聖賜以孝友積學負鄉望咸豐八年逃軍史致芬倡亂遊民從之者眾聖賜集家屬厲以忠義相保聚鄰村數千家無一人從亂者十一年賊陷郡城聖賜遂絕粒七日死

除夕寓塘頭沙氏山村感賦

畢生多難獨登樓家國都輸未雨謀極目關山悲杜宇側身  
天地寄蜉蝣王郎斫劒歌猶壯貢禹彈冠願莫酬預祝河清  
難久俟蕭蕭白髮已盈頭

庾信蕭條感故居強支病骨倚嚴廬後彫松柏知音在小住  
柴桑與世疏畫餅徒充名士樣鑿楹空守古人書胸中磊塊  
澆難盡轉瞬升沈問太虛

李丙照

字南溪鄞人道光甲辰舉人

借秋閣展觀九蓮菩薩畫像

青芙蓉老山容靜白菡萏香湖氣冷四時長借水天秋一圖  
小住雲煙影蘭檻蕙棟勢交加西域真人此結跏嘗悟如來  
歸一葉更聞菩薩現千天花爛漫隨拈弄當年曾入椒房  
夢秘殿如偕王母來醺壇只許神仙送色香都徹見聞根瑞  
靄祥雲堯母門七寶檀施天子孝四垂瓔珞法王尊伊誰畫  
理通禪理分頒貝葉馳天使高閣嘉名錫妙音吳山越水同  
歡喜自從漢帝遇金仙遂見圖澄呪鉢蓮大千世界花成海

丈六金身月印川仙峯一夜飛靈鷲早知菩薩西來候三竺  
都教法雨滋六橋總是香雲覆模糊紙上認華鬢秋雨秋煙  
漬舊斑東望慈航飛渡易蓮花洋在洛伽山

應寶時

字可帆號敏齋永康人道光甲辰舉人官至江蘇按察使著善射雕館詩集

朱智日敏齋以名孝廉入資為直州同需次蘇省歲庚申督舟師赴滬銀二十萬來浙助餉差未旋而蘇城陷遂率舟師赴滬銀二十萬來浙助餉差未旋而蘇城陷遂齋與潘曾瑋顧文彬吳煦等創設會防局乞師安慶力籌鉅款雇兵輪迎李傅相來滬軍威頓振疊膺薦舉授蘇松太道時江浙流民在滬者數十百萬疫大作敏齋創設普育堂給醫藥掩暴露其有籍可歸者資遣之又以士久失學師白鹿遺規設龍門書院以此益為曾文正所重既擢任蘇臬哀矜折獄民以不冤六綰藩篆興三吳水利復

文廟樂舞檄郡縣積穀四十萬石錢五十萬緡備緩急故乞養後茶陵譚中丞即以省會倉儲相屬公為推陳出新復就北關增設富義倉光緒十五年浙東水賴以振濟他如置永康義田復錢江義渡經畫省城諸善舉歷年籌振晉豫粵充順直災無倦意無德色生平於孝行尤篤僑寓忠清里竊見太夫人無一日不怡擇也幼



工吟詠晚年與吳筠軒沈輔之

諸君爲鐵華吟社詩律尤細

緝雅堂詩話敏齋爲蘇松太道辦建書院專宗宋儒之

學培風益厚士習一變吾邑焉竹儒觀察繼履斯任仿

學海堂章程建求志書院規模益大造就日多可與

美敏齋既歸悅志山水繫情吟詠此次金華紹興二郡

采詩甚富會無幾時竟爾不救猶憶去年君曾過訪此

君亭外寒綠徑側琴話履綦向可彷彿猶今惟昔情何

能任余挽以聯云記高軒枉過荒園白髮詩翁曾爲新

亭題好句痛小別竟成永訣黃花晚節祇從老圃想秋

容君歿於九月故有對語

松生約同人至獅子峯落廣福院之成展胡佑順侯墓

歸憩龍井用薛慰農九日集梅檀林卽事韻

井於何年名以龍因事祈禱酬其庸

翠華不臨近百載神物潛伏疑衰慵只餘一泓清見底上有

密樹交從龍元豐諸賢政多暇喜與方外相過從深入叢薄

二三里攜袂並不憎蒿蓬月夜潮音合幽契千載猶慕塵襟

空吾鄉順佑守此郡菟裘遂卜獅子峯廟在墓前求不得落  
暉慘澹銜山紅茶香桂馥碧無罅縱有懷桷難爲容年時展  
拜偕數子張漱珊胡月樵暨松生諸君牲醴草草慙無豐今來忽然見巍  
煥陳設已具鼓磬鐘方圓庵地亦重闢誰與淮海爭詞鋒琴  
鶴高風更安仰惟有山光今古同我思昔賢發長慨藐爾徒  
留七尺躬幸得主人盛餉客酒懷乍與詩情融丁甯分手覓  
佳句歸來鐙火熒城東

讀松生杭城坊巷志戲占一絕

刑官例住忠清里

沈廉使延芳亦住里中

自笑清芬愧昔賢恰賸孤忠

銷未盡有時雙手欲擎天

穀雨日鳳林寺賞牡丹

我別西湖能幾日重來一覽四山碧穀雨不雨天轉晴桃李

芳菲已狼藉修禊剛過上巳辰俊侶吟儔楫同擊未從閬苑  
覓瑤枝先向蘭舟醉芳席酒酣乘興過招提是我當時舊行  
迹堦下泉聲幽若琴闌邊深色穠於織自遭劫火閱滄桑移  
根更上瑤臺側道光時花  
在殿墀下屈指韶光四十年此時此花今勝  
昔山僧小我年二齡亦復頭顱白如雪前年憶游沈氏園百  
種名姝鬥顏色太息栽花老主人也跨鯨鯢掛仙籍謂輔之  
先生  
竭來相對益歔歔樓臺富貴非金石眼底誰誇作記才座中  
無限傷春客幸陪觴詠散牢愁敢以詩篇傲裙屐輕衫好趁  
晚風歸一杵鐘聲落遙夕

讀益山詩寄懷薛慰農院長卽用其九日澹然招集梅

檀林卽事原韻

桑根先生其猶龍入世出世殊凡庸晚耽泉石豈所願早辭

軒冕猶非慵東牀

李景卿觀察

寄我益山志如向羣玉窺從寵相

違忽忽踰十載未得攜酒來過從金陵自昔最繁盛劫火之後皆蒿蓬記曾共躡翠微頂放眼一望萬古空其時意態尙雄傑俯視多少岩巒峯名花未厭鬢毛白野草猶凝戰血紅寇盜初平四彝服傲岸身世誰能容幸蒙

聖恩放歸去麋鹿性喜林草豐滄江一臥歲頓晚惟愛深夜聞清鐘虛空打破便無礙此理眞實非機鋒懸厓撒手百事了先生之意將無同桓公陶魯公顏並辛苦武鄉終竟瘁厥躬何如靖節與元直種秫種菜春融融老方學詩不解律聊廣長句呈河東

### 適園卽事分韻得之字

蒼茫身世欲何之聊共朋簪醉一卮老去怕逢初度日

十月二十

二日爲興來喜說太平時菊殘花落神猶傲石瘦稜生骨本  
余誕辰奇最是不堪吟眺處危闌煙柳昔依依

脫卻塵機任所之自傷解組已歸遲板輿永抱春暉感園成五載

先母曾未一至綵筆愁吟秋興詩題額敢忘先世澤憩鸞花館諸額皆先君舊齋名

也服膺多與善人期明朝又上錢江渡好待梅開再折枝園中

老梅  
尚盛

### 松化石

移來一片石云是萬山松自受媧皇煉遂辭秦代封霜皮曾  
溜雨鐵骨此撐空荒誕神仙說余懷未敢同

### 南天竹

莫莫復萋萋冬春葉葉齊粒招鸚鵡啄枝誤鳳凰棲色豔常  
疑火根牢不仗泥珊瑚誰網出光燭海天西

徐世傑

原名溶字淡心號偉堂永康人

胡鳳丹曰偉堂生平經緯史銳意羣書稿本燬於兵火咸豐末年遇賊被執不屈死

景州過董相宅

董子世大儒漢帝亦明主春秋佐天子蕭曹豈其侶天人發  
奇策落落自千古獨憐漢道昌猶然失伊呂我過景州城仰  
瞻有芳矩欲試一憑弔雲深在何處

蔡慶恆

字芬久號小琴瑞安人道光甲辰舉人官江山教諭著劫遺集

嘉興陳氏十忠詩

有序

海鹽破陳孝廉其泰客於外一門男女死難者十人  
女死尤烈許太史楣爲徵詩

乾坤嗟板蕩流毒江海東江飛海晝立漂血羹沸同馬首伏  
牙纛路塵拜章縫橋李節義俗百六道非窮元會有升降貞

烈無汗隆三綱晦盲久如日當再中偉哉潁川族義門聚鬼  
雄死綏多男子橫草復女宗知幾衛娥智憂國周嫠忠羞汗  
歎禽息老淚揮龍鍾國殤萬萬輩不及婦孺功吾浙論旤本  
罪在鄰援空孤城睢陽似藩鎮擁自封貞姬有毅魄應勿賀  
蘭容庶幾砥橫流警彼食肉庸

偕孫琴西游仙姑洞

名山匹雁蕩竒迹無人窮攀援五百步壁立聳天宮危巖大  
如屋厂舍含虛空藤蘿發寒色玉寶鳴清淙黝黑若太古轉  
折微茫中豁然見光景上與石門通凌空開虛牖欲進心洵  
洵前承建高閣遠眺朝諸峯懸巖當檻矗對面壓蒼龍何年  
來力士鞭策施神工茲山固僻處竒秀擅甌東安得愚公術  
移置名都衝遠奪匡廬秀近掩天台雄生平山水志夢寐時

相從愧無史遷足空負康樂逢何從息塵鞅因得追遐蹤山  
靈尙不昧莫使雲霧封

聞關陝苦旱作

家無中人資常憂天下飢手無將軍符空讀六韜書晉豫苦  
旱東南潦傳聞西粵又橫草溝壑瘠餘子遺羣公毋乃愧  
專圻太白睽睽晝垂芒威弧胡勿射天狼我聞親民在守令  
揭竿往往由苛政監門或者屈鄭俠道州今日無元結

詔許陳言仗馬驚寒蟬雖晚猶一鳴亦有樞臣與疆吏哀鴻  
滿地救非易上天告警恆風陽誰司變理謀勿臧潢池弄兵  
尙赤子江湖慮在涓涓始書生蒿目無斧柯杜陵告哀惟作  
歌世無管樂兮奈此天人何

南旋



早春發征轡歲暮尙長途雨雪重裘敝關河一劒孤歸程輪  
塞雁客夢亂轅駒何處春山好唯當結草廬

客中閱邸報南師失利詩以志慨

大江烽火接天青又報軍中落將星北府兵威原可用南方  
物力恐凋零訛言路遠頻驚鶴亂世身孤似墜螢幾度登高  
愁眺望羽書載道不曾停

東南半壁賴擎天魏闕長城倚界堅見說廉公猶健飯誰知  
織女早迎軒隴西士卒齊揮涕江左英雄悵執鞭從此京江  
嗚咽水更添留守憾縣縣

周慶枬

字仲梅瑞安人道光甲辰  
舉人簪毋自欺室詩稿

讀陶詩

讀謝如遊山山深路轉歧讀陶如看雲雲動天與隨元氣貯

胸間下筆任猶夷空山鼓素琴日暮情爲移落葉脫高嶺羣  
籟息參差開門望秋月南山寒煙微

夜坐懷孫琴西

衣言

葉田

鏘鳴

昆季

莎徑號常羊暗壁蟄蜻蛚空庭不見人冷風閃鐙滅高樹墮  
驚飄虛牖逼孤月霜凜天覺高地煦菊未歇營今羞媚才汲  
古飫新悅心夷趨競淡神靜憂患閱嘉會邈難頻靈偶悄遐  
別抗懷陶邵庵高標照冰雪

題湯海秋

鵬

詩後

字字荃蘅弔泣來瀟湘詞客本能哀絕憐一掬長沙淚源作  
詩壇箸作才

不愧人間喚海翁

贏得人間喚海翁集中句也

銅琶高唱大江東海山卻

有無絃曲地老天荒是化工

陳以昌

字五其號賤生蕭山人道光甲辰順天舉人官工部員外郎

孫德祖曰公篤孝友淡名利癸丑當補官聞父疾解請急歸愛之者以爲過此不知浮沈幾年勸少緩勿顧也公伯子光頰伯蘊先師文孺曹夫子執友也公弟以咸詔次又丁卯同歲生故知公爲詳生平喜讀書不矜著述詩文未嘗自著錄伯蘊於劫後掇拾僅得三十首而已

中秋渡黃河

漸喜家山近剛逢佳節過長風分巨浪白日送頽波人語南音接村沽鄉味多遙知家慶集望遠更如何

誠兒

化日光天俯仰寬儉勤忠厚是貽安縹緲富有無形寶蔬布眞傳不死丹敢冀驂騑開道遠要知蟋蟀保家難人生易被聰明誤莫咄癡蠅故紙鑽

眼前歧路莫徘徊世事雲煙劇可哀浪說鬱輪袍及第空因

阿堵物爲災衣裳華楚蜉蝣羽食息安閒鳩鳥媒白日堂堂  
清夜省百年經得首頻回

立身師古更師今志欲清高氣欲沈蠅拂自爲王謝物雞聲  
應策祖劉心無因惠至何妨卻非意橫來莫反侵操履更教  
微顯一歐陽暗室凜垂箴

春華秋實望如何不覺諄諄勛爾多漫借揄揚標月旦好憑  
忠信定風波無窮志業爲山譬有用光陰似水過試看長安  
行樂地幾人白首悔蹉跎

贈任渭長表弟

惜陰運璧不辭勞相遇今看有二毛勘破炎涼交漸淡擬遊  
湖海興猶豪酒懷每以當歌放畫品都緣攬勝高欲上強臺  
羞捷徑歸與閉戶讀離騷

丁卯三月同吳子儒遊婁園過酒樓小飲

壯不如人老更嗟崦嵫光景幸偏賒嬾同高隱吟芳草賸有  
閒情護落花好夢已隨流水遠快遊未覺夕陽斜平生不飲  
如蘇二偶集賓朋訪酒家

陳

燧字子玉號芸巢永嘉人道光甲辰順天舉人官山西隰州直隸知州著玉芝山館詩鈔

定羌州之官

帽箱綬笥小安排到處爲家慣便佳六里臺隍三面水千門  
鐙火一條街雨延草色連山閣風送鑪香出郡齋日午放衙  
無甚事坐看蝸篆上苔階

閒來官府似神仙小住蓮峯意灑然雨後山光濃潑黛晴來  
水色嫩生煙隔河鷺候關中驛落日漁簪峽口船莫道此行  
非幸事眼前都作畫圖傳

陸長春

字向榮號澹香又號蕭士烏程人

府志長春工書法尤長詩古文詞所著有夢花亭文集

國

朝異典考二卷述齋隨筆八卷遼宮詞二卷香飲樓寶談四卷夢花亭尺牘二卷

題吳鑄生先生舜湖游草

客從舜湖來遺我詩百篇篇篇有真意妙語相鉤連反覆百  
回讀唾落珠璣圓奇境忽然闢氣象森萬千如劒始出匣如  
弩初離弦如崖墜危石如澗鳴幽泉如明月在盆如和風入  
絃課虛如老衲絕迹如飛仙或如好女子修眉而聯娟又或  
如山鬼睨笑巖阿邊情狀乃百出形容難盡傳恍游眾香國  
似乘多寶船我聞小滄浪湖水清且漣琴樽盛高會羈旅多  
名賢公也客其地暫息風塵肩吟朋足歡醺勝侶相招延當  
花彩箋擘滴露隄麋研佳句絡繹來得此非偶然我生爲塵

縛破硯耕作田從游願未果鷗渚空洞沿何當其公去艤楫  
湖之壩我歌公擊節公唱我扣舷春衫不須典沽酒囊有錢  
緇飲三百杯爛醉桃花前

同人遊飛來峯

一峯露巘屹獨抱淩雲勢絕壁千仞高攀援不可至當日飛  
來時恰落清涼地同人恣幽尋嘖嘖歎神異仰觀洞中天青  
光一綫墜懸崖絡枯藤怪石生寒翠嵌空佛像鐫隱約游蹤  
誌何時復飛去山靈默不對但見溼雲飛巖花落衣袂

簡鳳樓

花月憐詞客江湖憶酒人才多文字累交熟語言真挾策君  
猶壯傭書我更貧秋高見鷹隼珍重出風塵

登吳山看潮

絕磴盤旋上澄江眼底流波濤千疊雪聲勢半空秋遠樹連雲走羣山隔岸浮愧無枚乘筆來賦廣陵游

贈吳右岑

漢

聞名久已繫相思今日逢君喜可知劒氣盤旋驚上客酒腸芒角露新詩畫船春雨迎桃葉銅笛秋風唱竹枝如此英才絕羈勒那教低首去干時

繡虎屠龍未擅場漫言旗鼓足相當才逢敵手難稱霸人有奇姿不礙狂任俠自應敦氣誼求名何苦學文章與君百尺樓頭臥位置奚分上下牀

舊廬

黃葉村邊有舊廬白蘋香裏感離居名心淡後思焚硯家累深時悔讀書但覺性情宜竹石欲將蹤迹混樵漁幽棲何日



償初願釜熟香秔食有魚

湖舫偶成二首

錄一

兩頭簫管畫船開嵐翠霏微入酒杯湖上好風吹不定藕花香過斷橋來

倪承祚

字梅隱錢塘諸生  
箸一息偶存草

虎邱

金粉繁華地頽垣廢壘留阜應騰虎氣臺不賸麋游市集魚鹽賈人思詩酒儔東南民力盡般樂且宜休

江心泉

有序

浦北岸鄒家寺前江心有泉穴風定波平時泉脈湧  
起汲取烹茶味極甘冽或品爲第六泉云

浪息江心潮又生帆檣不斷往來行莫言黃浦流皆濁到底

源清水自清

王兆杏

字第花仁和廬貢官宿安敦論

杭郡詩三輯第花熟史事有吏才魁梧豪飲一時之傑

歸安吳烈女詩

有序

烈女名賽金字章雲秀子三吉家貧幼育於章而待  
年焉章婦張與吳錦滌私并謀陷女女峻拒張吳懼  
事露縊斃之事發女得旌張吳論如律

嗟哉吳烈女憂阨誰告語少小貧且孤未婚依嚴姑姑也不  
良內行醜鶉奔鵲疆雉求牡比鄰無藉乃寇狗誘女非禮掩  
耳走妾一處子敢忘廉恥苟人而禽胡不遄死老羞成怒陰  
謀起拔眼中釘斯已矣不置死地那肯休毒手引繩絕其喉  
冰魂玉魄歸九幽雪覆盆冤賢邑侯

王君西樓

不顯時徂暑日越五

破棺視尸尸不腐不腐者身不朽者名但求死守貞遑計死  
受旌旌善誅姦天下式煌煌綽楔

天恩出弱女子身志丈夫道場碧浪凌雲筆

坊墓在峴山臨碧浪湖許齋生

教授書石柱云弱女子身大

丈夫志道場山遠碧浪湖清嗟哉吳烈女待年年十七少小

貧且賤秉性自瑩潔彼淫毒者論如律道光丁未年六月初

七日

董經緯

字廷斌號小泉仁和人著聽秋館初選詩

臨江鄉感舊

西林獨處晴江出如此村墟大有人從古名流閒不得半歸

著作半經綸

漫興

黑甜鄉裏境重開枕泛芙蓉帳落梅自笑不如花上蝶夢魂

猶得帶香來

鍾繼芸

字冬生海甯諸生  
著古藤書屋吟稿

錢警石師可讀書齋看海棠

吾師來海昌歲在丁亥夏種樹已成林濃陰綠無罅中有海棠嬌春半未開罷檢書燭高燒花還照深夜易瘦善護持無香復慰藉師有海棠莫以無香恨句縱不遇梅聘又豈同杏嫁匹如傾城姿帶醉妝嬾卸連日沉天陰猩紅褪不怕呼朋亟來看時值寒食假含風萬絲垂著雨一枝亞難得近講堂絕勝臨舞榭貯屋金誰輸爲巢枝許借蜂游緩緩歸蝶夢蘧蘧化仙品洵修來名友休愧謝肯爭凡卉妍徒紅嬌紫妬花前暫徘徊夕陽已西下髣髴香霏閣賦賞客爭逐人與花同顛各各成詩乍拈韻筆不停花譜繙未暇拍手一狂吟吟聲動鄰舍

計光炘

字曦伯號二田秀水人著守贊齋集

府志光炘孝事二母慕石田南田品高志潔自署其齋曰二田藏書六千餘卷能主持風雅選方文士造訪者羣集重結詩社有守贊齋詩詞集

詠史樂府

蘇秦嫂

昔日季子歸金盡身亦困今日季子歸肘後六國印郊迎張  
樂人爭趨嫂亦欲進還趙趙起蛇行匍伏尙恐不得當較量恭  
倨眞區區吁嗟乎淮陰漂母古來少世上炎涼非獨嫂

買臣妻

使君五馬來行行復踟躕踟躕立道旁故妻泣路隅貴賤雖  
已異還可載後車新歡諒難託舊恩分已渝使君昔無婦賤  
妾今有夫掩淚獨悲歎悲歎懸紅羅妾如浮萍草生死無根

株君如桃李花榮華耀里閭浮萍易銷歇桃李亦須臾

班固妹

讀東觀書爲宮中師兄有未竟業踵成安得辭如此才華誰  
與匹左姬謝女終非敵不見扶風馬季長伏閣受書甘請益  
七篇誠千秋垂孰云女子當無才

陸

增

字松堂號秋山平  
湖人著鴨船吟草

蕢洲館詩話秋山工畫善醫挾筆墨旅食四方嘗從阮  
中丞芸臺游乙卯自當湖移家珠里與鄒霞軒楊蓮塘  
諸君結詩社於紫藤  
花下一時傳爲韻事

十柳田家圖爲泉南畫

年年落拓著書忙嬾與鄰家話插秧楊柳陰濃人意澹宅邊  
風趣倍柴桑

板橋流水寫村居花徑閒鋤春雨餘容我鴨船重繫纜秋風

正好就鱸魚

鸚鵡湖權歌百首錄六

雲水中分朝暮煙拏舟游覽景無邊買將十幅鵝溪絹畫出

東湖三月天

東湖有十景曰鵝湖春色案山曉翠三寺雨鐘六橋晴市東田社鼓西浦漁簪南村書堆北原

牧唱霍氏行祠魯公古墓

林煙繞徧十杉亭翠黛芙蓉遠岫青野渡板橋橫水曲漁燈

明滅一星星

十杉亭在湖西南義山公諱柔別業乾隆乙丑歸知府張逢年復開地重建有凝香草堂得月

亭漱軒水明樓水西雲鳴聽雨居芙蓉隄諸勝

五斗從來怕折腰書齋小築傍游橋林泉樂似羲皇侶修竹

清幽伴寂寥

茂修書屋在游橋下話山公諱洽原宅極池亭山之勝見橋李詩繫

棟花風細日長舒石首來時鄉夢如聽說松江鱸味美不知

可比馬蹏魚

石首魚俗名黃魚晉書咸康七年海鹽縣徙治馬蹏城魚因地故名

天目西來水一灣波光涵月訝刀環於今不及登臺望只許

僧寮款竹關

莊簡公別業在西泠口并築臺露坐以觀水月今惟水月灣在焉明王彥濬記朱懋績書

綠蕉曾續白蕉詞不唱楊枝與竹枝再試巴歛歌水調玉簫

應替小紅吹

從兄南香培有白蕉詞四卷青浦王蘭泉司寇列諸江南二十四家之一余續綠蕉詞兩卷

皇甫坤

字韻亭桐鄉諸生

冷廬雜識韻亭情懷偶  
儻豪于酒詩筆亦俊快

### 題沈鏡湖垂釣圖

江北江南汗漫游歸來逸興寄扁舟白蘋風急秋將晚一尺

鱸魚欲上鉤

得魚換酒且高歌鷺友鷗賓日日過愛向水雲深處泊滿船

明月臥煙蓑

吳

瀾

字崑源號悔山歸安諸生著慎餘堂集九卷

皇甫坤吳瀾

兩浙輶軒續錄

卷三十九

七

八十一文



秦瀛序略淵熟於史事中所鬱積固已輪囷離奇而又  
遠游嶺南得江山之助所見可喜可愕恢詭絕特皆發  
之於詩

題沈蘆舟攜琴載鶴圖

我昔客南越聽君調碧玉空庭墮寒蟬瀟湘奏新曲遊倦各  
還鄉書巢營小築菱湖秋水清荻港春波綠往來一飯頃翻  
惜千里足不聞太古音無術可醫俗刺船急訪君君家住晴  
麓到門聞琴聲泠泠出蓬屋樹裏有仙禽驚飛羽肅肅長鳴  
報主人主人狎之熟聞聲知客至餘音鏗爾觸輟彈起迎客  
客問鶴誰蓄云自孤山來曾訪林君復君復招鶴歸鶴踏梅  
花宿贈此雙雪翎陰雨瘦于鵠買舟載之行馴致飲兼啄焚  
香時鼓琴引頸側其目鶴鳴大音清鶴舞小絃促先生料頭  
坐傲岸老鵞禿一彈半鳴寶再彈雉登木一琴一鶴閒位置

似空谷殘秋煙水叢有客來不速松陵乏儔侶相期作皮陸

王蒔蘭

初名尚忠字紉香象山諸生著清山詩草

家傳略蒔蘭髫年卽沈靜好學鄉成人性至孝父立誠侍祖母疾得病憊甚遂絕意進取有終身事親之志創紅犀館詩社延鎮海姚復莊先生爲祭酒臨別託其幼子謂蒔蘭曰吾交游遍天下可以信之於身後者惟君一人咸豐庚辛間集團民保鄉里書古來忠義事揭諸通衢人心感奮賊竄象邑而吾鄉獨安堵如故其平日矜孤恤寡振窮拔困尤爲人所矜式焉

雜感

天地本寥廓積憂苦自盈  
鱗無逸尾驚鴻有悲聲淒淒霜  
露繁百卉同凋零  
惘然命我駕薄言歸柴荆  
息蹤絕念慮閉  
戶廢將迎如何一室閑  
孕此無窮情  
江海本無波撓之萬變  
呈吾心本無物觸之羣感生

微風何藹藹屈茲陽春時  
草木競萌甲生意咸在斯  
豈知西

晷逝肅殺成寒飈原野黯無色萬彙增酸淒昨猶氣蔥蒨極  
望嗟枯萎剝復有恆理大塊豈異施小人逐華靡君子重操  
持願同松柏老勿爲桃李菲

子陵棄光武垂釣灘之濬豈爲傲王侯心與江湖親本無西  
子質奈何效其顰山林成捷徑高尙非性真願持北山文移  
示此中人

種瓜欲滋蔓蔓枯瓜不榮畜雞慎伏卵卵鰕雞不成丈夫懸  
弧始所期完此生奈何中流蕩垂老無盛名荆山毓良璞棄  
同瓦礫輕乃悟昔賢達孜孜勤致精

題澄養軒

余生逐塵鞅動止消其天積慮頗思滌外物旋相牽卓哉太  
邱翁抱璞辭磨鐫開軒面巖薄繚以花木鮮篁雲散秋綺澗

永調晨弦一室飫孤賞尺地羅眾妍新悅迭相勝古歡日與  
延天歿發靈采元象羅上筌自抱木雞守不逐野馬騫神清  
體斯固用茲臻大年佳境昔耳熟寓目今信然願結比鄰佳  
與君偕流連人生於天地逝若滔滔川始知空山中迺有喬  
與侏

紅木犀辭

有序

木犀有紅白黃三種紅者產象山按寶慶志宋高宗  
時邑士史本初以接本獻上愛之嘗畫扇頭并題詩  
賜從臣由是四方知名

臨安風物叢禁省異卉遐方奉朝請誰分佳種到蓬萊一帚  
靈鞋掣霞影仙根蟠結千年苔九光照耀金銀臺交柯連理  
別啟秀獨承湛露均栽培是時四道將開闢特抱丹心獻宸

極迎眸翕艷當聖心北苑黃榴媿專席每逢爛漫輝禁中拈  
詩賜筵娛臣工亦思五國邊城草血灑寒蕪色更紅

詠綠雲菜

有序

象山瀕海有苔茸茸然蔓生埼塉閒濯浪疊巖戾風  
媚羅暴乾中食志稱綠雲菜者是也翠色可愛味亦  
鮮美土人呼爲苔皮與海藻海羅諸種稍異爰賦之  
我鄉卑濕居西滬海錯繁生集商賈尋常蜃蛤匪所奇水菜  
如雲壓畦圃律回黍谷陽和生藟苗菰甲咸句萌沿途紛郁  
亦蒸起纖朵簇若松篁青挈伴潮回傍灘去不用鋤鑿等攀  
絮村煙一色低相交欲采轉疑覓無處神龍靈氣工吸噓墮  
涎膩入春筵菹不然天孫棄殘錦翳翎翦碎芙蓉襦擷來拓  
曬紅陽乾摺疊成幅揉成團南澗蘋蘩詎堪擬紅鯔白蛤同

堆盤冰鮑鳴笙雷湯沸唾花軟颺澄無翳清淡宜入高人餐  
細咀東溟祥霽氣

相逢行

驅車遵前路路狹難疾驅有客乘華軒相逢問我居我居何  
難言巷陋室無儲冷風噓圭竇荒蘚緣繩樞應門止五尺庀  
閣惟素書客顧笑謂我未覩京洛區朱門臨大道列戟森通  
衢結構難曲狀但見輝金朱男兒盡貴顯婦女盡名姝蓄寶  
盡無價何論玉與珠室有歌舞娛門有冠蓋趨食客有千百  
僕亦廁濫竽物滿豈不撲聞言汗沾濡新家高路旁下爲陳  
人軀陳人雖已陳昔年亦丈夫榮名可終保誰復凜桑榆青  
雲自華屋明月自吾廬

孫

岳

字品山會稽原  
貢署遂昌訓導

權平昌司訓適逢五十初度

漆園蜨夢幾人醒問到流年眼漫青將相難逃兒女累英雄  
肯乞鬼神靈漫澆北海千尊酒且讀南華一卷經老去情田  
容易種自鋤蒼朮養餘齡

牟

潤字克溫黃嚴諸生

台詩三錄克溫矢志讀書雅意吟咏年僅三十而卒

綠猗軒

朗日照竹林青陰夾苔壁徜徉地半弓招要月一尺

金鶴清

字翰皋號穉穀錫鬯子桐鄉人道光乙巳一甲二名進士官翰林院編修記名御史著養之以福齋

詩文

府志鶴清少貧困嘗僑居嘉定姑蘇善作文時爲人傭筆墨官京師益嗜學手點勘羣書於晉書尤力詩亦工縣志鶴清幼嗜學工爲詩文受知於羅學使文俊最深由優貢登賢書旋以第二人及第未散館卽典黔試庚

戊壬子兩充春闈同考官  
南書房行走在京不事散逐不通聲氣爆直之餘閉戶讀

書而已

緝雅堂詩話吾邑羅蘿村先生提學兩浙最有聲望洪  
張伯探花昌燕章采南狀元鋈金翰皋榜眼鶴清同于  
癸卯年錄取優行文采采輝映鼎甲皆備因浙水之盛事  
亦瀛洲之美談也余後先生四十餘年來點斯職興懷  
前軌不勝高山之仰

### 鴛鴦湖權歌

甲子乙未更親桑民到於今頌越王試向天文覓牛女便知  
耕織萬家忙

吳昌壽

字少邨嘉興人道光乙巳進士  
官至廣西巡撫祀名宦鄉賢

府志昌壽通畫科算學詞章訓詁亦冠絕時流通籍後  
咸棄去留心兵事其初任也治劇盜著威名任廣州府  
洋酋舊慄秋毫無敢犯性方介居官不樹黨援雖以文  
學進身而屢膺闕寄數著職功論者尤偉其韜略云  
食蚶二十韻



青州列土貢海物號維錯蚌蛤與車螯皆可供鼎鑊蛤蜊爲  
甲族託生本於雀爾蚶形更奇外體週輪郭或呼空慈子或  
以天爵託不同蝸之旋亦異蟬之蠶稜稜作瓦文中穹邊漸  
削紫氣恆內含素脣不煩堊盈虧伴月升翕闔隨潮落菊天  
新酒時河際來隱約拾之如亥市腥風透簾幕廚爨善烹調  
浸以酒一杓微鹽漉纖纖彈指卽堪嚼登筵佐嘉客餘物皆  
糟粕擘開雙巨掌寶胎結纓絡孕成紫色漿血點勝猩臙浸  
齒輒披縣及舌香流喙至今一回憶殘涎猶盤礴欲繙嶺表  
記轉瞬已忘卻勉賦二百言聊以博喁喁

沈炳垣

字紫卿海鹽人道光乙巳進士官中允督學廣西

縣志炳垣授職編修

上命

詞臣之工書者繕朱子全書炳垣與焉尋充

日講起居注官例得言事疊陳時務皆中肯綮乙卯督學  
廣西時寇氛方熾臨行祖餞有告以見機引避者炳垣

出佩刀示眾曰身受  
國恩誓必殺賊就義聞者壯之丁巳按試回省道過梧州  
遇會匪圍攻府城在城文武官皆以炳垣無守上責勸  
今速出聞道旋省炳垣曰學政爲士林表率一日聞警  
倉皇就道人心必搖誓以死守城陷炳垣仰藥自盡被  
匪救治得生擁赴賊船隆以禮貌不敢加害炳垣大罵  
不屈賊磔而火  
之時年三十八

楊忠愍公諫草亭落成紀事

有序

忠愍兩疏遺墨觀者跋尾殆徧歲丁未松筠庵僧心  
泉屬海鹽張受之辛手摹勒石並築亭於庵之西南  
隅以弄之刊成而受之嬰疾歿於庵亭經始於戊申  
仲春十閱月葺事爰賦長句以紀之

長安市上多詞豪書牆畫壁喧啾嘈囂囂片石勒諫疏孤亭  
兀立星辰高公生有膽死有節兩疏萬言言瀝血彼蒼特爲  
忠盡留紛紛尾續徒饒舌張君勁鐵筆一枝惜不鐫公臨死

詩腥雲漉漉壁上噴丹心萬古振聾疲古來神物難磨泐印  
識平原琴信國鬼神呵護此貞珉百世流傳勤拂拭我欲拓  
亭地盈尺以鐵鑄賊跽亭側賊身朽盡疏不滅人來戟手猶  
冒賊

沈丙瑩

字菁士歸安人道光乙巳進士官貴州安順知府

府志丙瑩以進士補刑部廣西司主事陞員外郎轉江蘇司郎中改御史擢貴州安順知府歷署銅仁貴陽府事致仕歸官刑部時以熟於律例爲上官所重有權貴招之謝不往後署銅仁職路蹊賊渠亦有功不賞養自然齋詩話菁士解組後主講西湖話經精舍延接士流懇懇如家人著編年詩手自刪定

樂府四首

悼蛹 刺剝下也

美人織當戶五色工纂組可憐機中絲縷縷皆辛苦吳蠶作  
繭口卒瘁吳蠶作蛹蟄復蘇獻繭者誰心膽粗剝取入已肥

妻孥一剝復一剝  
蛹在繭中哭  
蛹哭渺不聞  
生機漸以感  
宛轉將死未死時  
我爲請命前  
致詞護蠶  
惜種毋芟夷  
生子明年還吐絲

歎鴟 憫罹法也

鳥將雛雛飛在路隅  
有鴟有鴟慣取子空中一擊無完膚  
手爪毒網羅觸鴟有罪兮不可贖  
雛與鴟胡尤鴟與雛胡雛飢來眼注口中哺  
遂鹽其腦截其喉口中哺曾有幾  
性命鴻毛拚一死飢不擇食至於此  
吁嗟乎安得粟滿囷  
葑滿林果爾腹懷我音化鴟鴞兮爲祥禽

憂虺 戒養患也

長蛇昂頭頭生角  
雄據長林閒蜿蜒及檣桷  
天矯擎空不可捉  
究其肇禍始蝟蝟一虺耳  
主人好林園歲久蔓草繁  
羣虺

伺隙潛籬籬園丁不解事坐視無一言斬蛇之劍光萬丈我欲借之伐榛莽聚而殲旃若反掌勿使虺兮成巨蟒

憎豕 防外侮也

南風多豕涉波籬籬失豕突入吮人血膚踞人室大官之庖屠牛刀胡不橫磨霍霍斬爾曹啖齧絕脰搜肝腎爾貪伊可怒爾愚或可恕哺爾以糟醯庶感我煦嫗人言爾豕不足慮既曰爾豕不足慮胡爲躑躅門庭不肯去

徐時樑

字子舟鄞人道光乙巳進士官刑部主事著僮橋詩稿

縣志時樑與兄時棟齊名彊毅有守官刑部主事吏呈案牘鈴其首而以尾遙時樑欲觀之吏曰向例需次官不閱卷也時樑歎曰刑部爲出入生死之門吾不知事之本末而妄畫諾可乎遂乞養歸

牛君直歌

并序

君直名牢爲光武布衣交光武卽位召之牢稱疾不

至下詔州郡就家存問不答論者謂其品當不在子陵下

君不見富春山下嚴子陵卓卓犖犖在人爲隱士在天爲客星吁嗟乎君直胡爲至今長冥冥君直繫何人光武布衣交旣而詔書下乃甘作許巢子陵有釣臺君直何所指若論風節高兩人正相似一何若彼一若此吁嗟乎君直斯人足千載區區身後名知非意所在至今懷古發幽情想見眾人所趨先生去之若將浼

渡灤河

我欲渡河去臨流遲野航浪頭風起白山背日銜黃世路半幽險客懷增激昂驚魂猶未定驅馬上高岡

陳學繩

字硯傳善孫錢塘諸生

許善長曰硯傳遂於經學著研經日記四書古義晉書  
校勘記兩晉疆域考福建通志列傳損齋文集性世之  
史過目不忘善飲酒酣耳熱抗論千古有不可一世之  
概與予同硯交至密庚申辛酉之歲杭城被陷兩次羅  
災予身孤遁著兩浙庚辛紀略一冊言簡意咳其後序  
有云滿壁圖書悲成灰燼全家骨肉痛哭分離堅冰插  
腳流血殷膚斷棘穿跟皴足成繭迴憶高堂垂暮中道  
奔馳致臨難以投荒痛生兒之何益依誰託足舉念酸  
心而況智井枯泉疑作殷家之婦重營雁影空慚趙氏  
之昆更憐幼子之牽衣畢竟潛身於何地遇何太酷幾  
成焚獨之身躋不成聲難訴棲皇之景云云遭  
遇可謂慘極才人無命恨不能呼彼蒼而問也

聞官兵收復漢陽武昌

聞說楚天北捷書馳素秋三年勞破斧一將決封侯歷歷瀟  
湘樹迢迢鸚鵡洲烽煙今已靜南望好登樓

極目西山外難忘走訓狐功名悲鄂國風雨泣荆湖今始一  
州定此中萬骨枯秋燐猶隱隱照見奏功無

袁江雜感九首 錄三

爲耽名勝暫登臨觸目江皋滿綠陰草色已非今日鬢柳絲  
遙縮故園心幾經冷暖傷寥落悟澈滄桑變古今獨自沈吟  
獨惆悵淡煙疏雨恨難禁

河源滾滾自天來鎖鑰東南節鉞開空行魚鱗成蜃市從無  
駿骨上燕臺英雄愁絕桃花水幕府惟儲竹箭材畢竟海枯  
金穴散大官惆悵奏書迴

更欲題詩問彼蒼黃巾何事太猖狂點軍上將爭籠鴿奉節  
孤臣困牧羊籌海有書思少保收京無策繼汾陽東風著意  
催花柳月滿南都夜正涼

魏福增

字樟亭錢塘諸生

鍾駿聲曰樟亭慷慨有志士也爲文如萬斛泉源隨地  
涌出與余交甚契庚申省城陷聞其全家以槁餓死

游南湖



東風送我行出郭沿浦浹選勝窮日夕歸路餘霞綺野樵迴  
雲鄉江漁收水汴搖搖指前川拍翅鷺鷗起緬彼南湖人虛  
名長已矣

王福佑

字桐伯仁和諸生候選訓導

王承杰曰桐伯姪素好學見賞於周韓臣學使咸豐三年浙省團練予家承襲雲騎尉已數世率姪首先從事庚申秋當事造礮台營房爲守禦計姪以功保教職及辛酉再陷姪襄理巡防六十餘日巷戰被戕庶幾無慚爲孤兒軍家子弟也妻張氏子元瑞元和女芸姪同殉

甲辰春喜張介庵內兄

有成

生子

大昌

寄賀二首

蚌胎快聽毓明珠英物噉聲試也無漫筆塗雅慚賀客清詞  
老鳳喜將雛能存長厚皆垂裕不事科名亦業儒玉鏡有臺  
莫輕付千秋人笑太真誣

子亦適生一女

聞道荆華易簪時彌留囑繼讀書兒若逢鯉訓趨庭際定動

鵲原折翼悲望望金臺榮別緒亭亭玉樹說丰姿其家堂額為玉樹堂

一樽代酌湖邊土為報修文地下知雲庵內兄權厝東山街未葬

吳元鏡字仲祥仁和諸生

林嵩堯傳略仲祥與余同受業於姚復莊先生之門詩日益進嘗賦秋草詩為師所激賞一時傳誦有吳秋草之目年未三十欲梓其詩盡棄少作刪存乙巳以後詩僅什之一得二卷刊不三年而君遽歿歿後三年猶寇難作詩板被燬君既乏嗣自是遺業飄零不可復問矣姚燮序略仲祥蹇產無所寄之於詩導其沈疻忠臣孝子之則抒其排鬱勞人思婦之感

### 明月篇

白月不照心不如明鏡光月時有圓缺明鏡常在旁嫉世無好言媚世無好妝誰將一片影化作秋雲長雲來鏡生彩雲去月仍在持鏡照明月年年光不改誰謂明鏡好照人面顏

老

秋樹

生意頗不盡風霜如故陰已無春雨色葆爾歲寒心天地材  
難用山川氣亦沈高枝各有託日暮下歸禽

壬寅避地由金華至縉雲

萬山共呼吸紺碧一氣齊深藏眾壑流時有孤雲飛辭舟上  
山驕兩僕行相隨亭堠遠迎我林木多因依秋稻萬田熟聊  
慰行客飢客飢日以飽客路日以疲人心有哀樂對景生暄  
淒夜住眾鳥宿早行穠露霏惜無丹青筆貌此山川奇更有  
行旅況下筆仍恐非野花自紅白秋風飄其枝嗟嗟遠道悲  
莫作游山詩

似聞六首

錄二

大帥連營控石頭雄城龍虎氣全收似聞羣賊憂中困端爲

全軍據上游舊壘何年銷折戟新亭他日報焚舟豈知一綫  
榕城炬延及荆揚已二州

楚北城樓玩水嬉達官公讌及秋期避兵符在懸車早延敵  
門開下鑰遲燐火夜深飛碧血晴江風暖化凝脂招魂更憶  
馮唐死愁絕家山喚子嚮

主客行

華堂羅綺筵明燭照瑤席玉瓶珊瑚長七尺主人有酒勸良  
夕昔爲道旁子今爲座上客主人叱咤千黃金主人有酒客  
起斟美女如花抱玉琴客子皸手彈銀箏琴聲咽箏聲苦主  
人門庭作場圃主人貧賤且相見我道人心不如面

題蜀鏡銘搨本

并序

鏡徑六寸餘紐內作天馬蒲桃形外真書三十二字

云鍊形神冶瑩質良工如珠出匣似月停空當眉寫  
翠對臉傳紅綺窗繡幌俱含影中

蜀王百戰西川定衍也癡兒抗天命峨嵋魄月夜無聲飛入  
當年後宮鏡後宮佳麗顏如花搜刮子女歸天家雲細暈  
眉閒黛潮靨微呈臉際霞曉來相對移時久對面人誇好姿  
首君王真是鏡中人不辨興亡辨妍醜熒熒匿色啟星芒時  
樣新翻半面妝君心但願長如月妾鬢還愁易染霜君心妾  
心同皎皎他日容顏鏡中好相思銘語憶君王菱花飛落長  
門草秦州聞說好尋春更遣親軍訪麗人修短但憑伊作券  
來年法駕會西巡巡遊歌舞南朝例蹴鞠毬場陳百戲借鑑  
前人與後人頭顱空笑隋煬帝千枝蠟炬禁門開歸路空餘  
錦作堆此日淚垂回鶻隊他年魂繞舞鸞臺妝臺塵沒飛鸞

影盛衰閱世何人省匣中珠氣化蛟龍一輪滿月歸魚艇至  
今遺擲在人閒何似秦宮透膽寒繡幌綺窗歌昔影中猶  
是說團圓韻言廿二文中雅鏤雪雕璠付神冶摩挲故物蝕  
銅精蒲桃亂落隨天馬

象山金烈婦詩

李氏女年十七嫁爲金氏婦三年其死也以癸丑八月二十

日

解一

女貞無花只有葉芙蓉棲鴛不棲蝶芙蓉有香非蝴蝶

之鄉女貞之枝不巢鴉鵲月黑林深夜嘯姑惡

解二

婦之死也

不怨姑婦之死也不怨夫誰實爲此而使婦死身無完膚

解三

妾身如玉瓦礫斲之妾心如鐵以火烙

叶

之妾骨豈脂韋沸

湯沃之釜湯雷鳴雲車砰砰匹婦哀呼

去

天鑒其貞

解四

瓦礫

可以毀妾身不可以毀妾之貞湯火可以糜妾骨不可以改

妾之節匹婦哀號天鑒其烈

五解

長江水深如妾之心夫也不

歸妾冤終沈縱夫歸而妾冤曷以伸妾冤不伸天也何知妾

冤欲伸夫也何詞嗚呼妾死將何辭

六解

姑惡姑惡姑不惡妾

命薄子有雙翼化爲黃鵠魂去秋空唳孤鶴

七解

鎮海寓齋題壁

滿地江湖我一鷗飄搖天畔此高樓惜無司馬千言賦去作  
龍門五嶽游松菊荒蕪招隱士芷蘭憔悴怨靈修秋來賸有  
登臨目相送滄波自在流

幾回青眼望高歌磊落王郎喚奈何短劍氣如秋水白亂書  
奇似夏雲多入尊好月來蓬華繞屋狂花笑薜蘿願築小樓  
臨絕壁手揮麈尾拂天河

顧文澄

字星淵餘杭歲貢  
著蘋香秋館詩鈔

答王紉香員外次原韻

餘生金革裏往事思緜緜  
淚欲秦庭迸鋒難魯縞穿  
莫尋元亮宅休問杜陵田  
天末逢知己臨風一悵然

送孔健之參軍之武康次郭晚香

傳璞韻

惘惘出門去驪歌嗟遠行  
防風舊時國游子暮年情  
西滬白雲杳前溪春水生  
慈幃念飄泊未可戀浮名

眉子硯

并序

硯爲吳江葉瓊章故物王佛雲司馬壽邁得之袁浦  
肆中池如偃月表三寸廣二寸許厚半寸有奇按瓊  
章名小鸞明工部郎中葉天寥紹袁第三女也著有  
返生香集字崑山張立平年十七將嫁而卒秋雨庵  
隨筆謂此硯舊曾在番禺陶綏之家徵題成冊並載



郎蘇門三絕吳石華疏影一詞其散見於他書者有  
彭甘亭楊蓉裳郭頻伽沈匏廬長短句吳蘭雪歸佩  
珊七截硯背刻瓊自製細楷及小鸞篆印其文曰舅  
氏從海上獲硯材三琢成分貽予兄弟瓊章得眉子  
硯云天寶繁華時已陳成都畫手樣能新如今只學  
初三月怕有詩人說小顰素袖輕籠金鴨煙明窗小  
几展吳牋開奩一硯櫻桃雨潤得清琴第幾絃已已  
寒食題於疏香閣凡八十八字佛雲旣得硯適由鴻  
城移宰松陵瓊章故里也先於邑人任雄卿廷暘處  
借得天寥公年譜讀之悉其家世甚詳旣又晤葉友  
山淦成知瓊章爲其六世祖姑并攜其從兄戟甫所  
藏遺像索題佛雲倩包子梁對臨一幀藏之并訪得

瓊章墓址在汾湖之曲寶生庵之後封馬鬣樹豐碑  
斥侵占禁樵蘇徵詞於四方哀爲四冊名硯綠集爲  
賦三律因厯序硯之巔末並撮舉瓊章事迹以備遺  
忘云

片石攜從海上來鏡匳新樣琢玫瑰翠蛾涼潤櫻桃雨冰麝  
濃含豆蔻胎豔格時臨神女賦小顰長伴謫仙才疏香閣上  
鐫詩後玉匣花前次第開  
紅顏眞到白頭難無復修眉鏡裏看鸚眼淚枯仙夢斷龍鬚  
香褪墨池乾明窗小几詩零落瘴雨蠻煙路杳漫幸是陶家  
勤護惜一彎纖影未闌珊

小劫袁江困市廛愛才司馬慶奇緣描來依舊銀鉤月賸有  
當時玉管煙官閣春燈暮小影汾干荒冢弔游仙一編徵取

詞人筆留與塵寰補恨天

李文杏

字實庵號少石嘉興諸生官直隸易州知州

丙辰初夏錢丈警石以永奉無疆瓦當硯見贈賸之以

詩次韻奉酬

目不見昭陽列錢藍田璧又不見承露仙掌柏梁銅阿房一  
炬久疑無全瓦西顧吟哦無乃類愚公文士幽尋好拚摭殘  
瓠賸璧珍與璆琳同圖形著錄無不有鸞翔鳳翥戲羣鴻我  
生無田食破硯秋蛇春蚓百不工曝書亭句石末雖惡質可尙有  
玉者錯刀者礪無如墨丸點藥眇香麝筆端吐氣無白虹蟾  
蜍之石不肯爲結鄰腕底安得翼翼生清風宏農陶泓忽與  
相友善一錢留得羞囊空高僧謂南屏六舟手贈得紙本夢想直  
到咸陽以南濱渭東一朝錢翁送此瓦當至勛以博攷轉覺

憂心冲洗之剔之摩挲幾百遍遐不愛矣文在中貌古高踰  
冰井之香姜理細實過鄴城之甄筒風雨雕鏤不可僞夫豈  
贗鼎何樓充色青肉厚四周且細玩篆籀字畫入體可兼通  
猛然有會陶旌搏埴意讀書善守須善攻敝盡宜如築氏之  
爲削取材直法弓人之爲弓古人寶硯兼寶善閉門歲月道  
味豐請看長篇何異百朋錫從頭讀竟如發蒙我將永奉翁  
德頌無疆毀方瓦合退修一畝宮

姚仁瑛

字子白秀水廩生  
著懷芬館詩鈔

丙午夏同人游焦山信宿松寥閣錢曉廷孝廉繪圖紀

勝因系以詩

高閣臨無地江流日夜喧磴荒波齧岸林密寺藏門剔蘚碑  
難讀凭闌斗可捫滄洲淩緜緜落紙氣先吞

唐員

字益之號逸子秀水貢生著逸子詩鈔入卷

友善齋詩話逸子丈工書畫精醫理與先君子稱至契以詩相倡酬垂三十年丈少作多雄放交郭祥伯丹叔兄弟學益進道光壬寅乍浦夷警丈調大帥營與周君子權防堵王江涇著有芹獻編兩浙肅清後仍居故土肅歌自得

野步村落閒

田歌相問答農侶向夕還禾稼藹然秀用力亦云艱藤花蔓  
籬落炊煙散竹閒酒漿羅場圃具食勞邨鬟野老三四人團  
坐心神閒舉盃樂陶然明月上柴關

邨中無主僕操作皆子姪緣溪雞犬鳴隔岸桑麻密年豐粟  
有餘形勞心常逸賽社燕親朋及此樂佳節擊鼓胥巫祝牲  
醪陳一室豈敢曠農工歲稔望彌切

小滄浪送周樂泉

坤

之漢上

君如大鵬初展翼不屑江鄉味雞肋今日提壺一送君雲山  
此後長相憶雲山如畫壯游觀與君且聚斯須歡此別何堪  
數千里長江之險多波瀾丈夫獨惜時難再離合豈爲兒女  
態但令交誼同金石落落襟期歷千載瀟湘雲夢待詩人黃  
鶴樓頭應博醉惓惓莫綰游子心杯盤狼藉酒重斟老僧笑  
將塵尾指報道西山日欲沈

晚步至清隱庵

梵宇隔溪見鐘聲隱約閒橋橫邨自接岸曲水隨彎古木深  
藏屋晴雲湧作山到來剛月上松下叩禪關

喜雨

歲歉米薪貴春來雨復稀草木有悴色漠漠塵沙飛一夕快  
甘雨新漲侵苔磯土膏豆筴長風輕麥浪微南野足生意農

侶話荆扉野花吐幽豔土膏桑葉肥葉肥蠶有賴繭成不愁  
衣土膏田有望麥熟不愁飢欣看歲將稔一雨勝珠璣

陳震省

字健齋海鹽人著意釣山房詩鈔

朱葵之序略健齋少善病喜吟咏時於藥爐茗盃閒一  
編相對晏如也性慷慨好交遊暇則相與評騭古今妮  
妮不倦

簡江一虹

然諾平生同季布力耕有子慕陶潛閒來覓句消長日隔岸  
楊花飛撲簾

郁載瑛

字荻橋平湖諸生著味雪齋詩鈔

王大經序略荻橋少即工詩浮沈諸生中幾三十年歲  
在田寅與子輩結古權社會會必以詩韻極文酒之樂  
倡和之集刻已盈寸君詩沈靜敏密一字不愜於心必  
再四推敲而後定兼工駢體文與倚聲又精醫理生平  
無疾言遠色宜得養生之  
道年不及中壽命矣夫

留宿山家

山煙橫一抹回首路蒼茫夕月窺巖戶秋雲墮石牀心清聞  
遠籟地古得空香更計明朝事尋詩泛野航

書齋卽事

檐角疏風動竹枝捲簾陡覺峭寒欺舊臨晉帖論肥瘦新買  
唐花判早遲閉戶嘯歌聊自適避人疏懶最相宜及時杯酒  
休忘卻莫待飛霜上鬢絲

贈鍾穆園

步崧

回首殘城賸劫灰移家重爲闢蒿萊有情紅葉催詩就無恙  
青山入夢來鷗路不離新水榭客愁都在舊池臺羨君更具  
春風筆贏得梅花伴酒杯

李

笏

字端人號竹村自號梅菴居士慈谿貢生著敬畏堂詩鈔

兩浙輶軒續錄

卷三十九

郁載瑛李笏平浩

奎

八



秋晚登楊舍堡城

炊煙幾處接蒼茫，眺覽郊原傍女牆。  
雨過木棉花落白，潮通大海水流黃。  
寒聲戰野蛩吟咽，老氣橫秋馬骨強。  
一箭暮雲雙鵠落，雄心爭寄羽林郎。

平

浩

字養中，號元卿，一號梅遲。山陰人，著金粟書屋詩稿。

家傳略先生爲訥齋刺史孫荷莊刺史子，家世工詩。娶茹古香，尚書女孫，亦嫺書史，與從兄鶴舫種畤從子侶，舫倡和，又與泊鷗吟社茹韻香，紀百穀，鄔雪舫諸老游詩日，益進家富圖籍，若金石圭璧，硯印陶槧，象犀竹木諸珍秘，充物四壁，摩挲稽攷，不復知有塵俗也。兩游新安山水，所助體格益變。

尋廣孝寺途中作

暮山宿雨晴殘照，破煙靄修篁藏古寺。  
浮圖出林外，藤蘿夾古徑。竹篠罨碧瀨，緬徑入招提。  
溼翠撲襟帶，寒泉無俗喧。春鳥鳴天籟，傾耳韻悠揚。  
林下清風會到門，疏磬聲泠然出松

檜

曉起

夢覺乍侵曉人起在鳥先園林秋霽初薄靄何澄鮮庭花帶  
宿雨林竹爭便娟殘月淡無影負手看晨煙闌寂如深谷僻  
靜同枯禪放歌招隱詩追和停雲篇緬懷陶靖節千載猶目  
前

牽牛花用曝書亭集韻

紅泉蒼石裏細蔓互連延葉子奇牽牛花詩蒼石紅泉  
少隱家牽牛延蔓繞籬笆葉萎

三冬候花開七月天唐本草三月生苗七月  
月開實八月成子附枝含露早賦質

得秋先雨過曉齊女風吹舞麗娟龍鬚新竹上麕眼矮籬邊

楊萬里牽牛花詩  
繞籬縈架太嬌柔扁豆形真肖名醫別錄花  
狀如扁豆圓荷豔並妍圻

苞平旦後斂蕊夕陽前本草衍義日  
出開日西萎名恰符河鼓圖曾入米

船宣和畫譜有滕昌祐畫折枝牽牛圖一蓋米家故物也染薑盤可飣楊萬里詩只解冰盤染茈薑

配藥品宜箋摘去堪登案移來不費錢分明星宿淚林逋牽牛花詩

天孫滴下相思淚長向深秋發此花點綴女郎鈿淡泊同吾意含毫爲邈然

中秋同沈仙源茂才阮桐君昆季訪已香上人

鑑水滿湖菱葉綠平疇萬畝稻花香偶然出郭乘幽興相約尋僧到上方詩酒交情真脫略荻蘆秋色自蒼涼人閒不合虛佳節同集瞿曇選佛場

壽

僑

字眉生諸暨人

吳杰曰眉生詩精深華妙無體不工予尤愛其徵典精切假形繪影微旨所寄點竄入神能令讀者哀感無端自得於縹緲

即離之際

譚獻曰眉生詩如空山古柏但巢鸞鳳不容樓蟻又如幽并健兒臂鷹牽犬盤辟自豪

讀淮陰侯傳

伍子困頓作吳歆百里蒼黃入秦徼從古英豪雌伏多始爲  
屈蠖後飛豹栖栖韓王孫落魄亦屠釣烈士在泥塗倚劒空  
長嘯是何年少相侵陵俯出袴下千人笑干將不斬庸豎頭  
大勇若怯剛濟柔豈無孤注拌一擲礪礪易缺非良謀惜哉  
晚節坐自誤物忌盛滿招悔尤未央宮中烹功狗三齊假王  
成贅疣嗚呼貧白眼貴赤族兩亭長妻計何毒漂母祠中聞  
鬼哭

靈石曉發

鈴語郎當月一彎驅車直上翠微閒萬條眉鎖秦城柳九折  
腸迴晉地山如我不堪彈劒缺有人相對憶刀鐙可憐思婦  
樓頭鏡曾照梁鴻未老顏

方

鉉

原名穀字似庵金華諸生著小壺天詩鈔二卷

方鉉 倪兆禧

王家齊傳略似庵工詩嘗以菜花詩  
受知羅學使文俊性曠達詩多不存

和王蘭汀鹺使春雨元韻

錄二

潑眼嵐光薄霧濛衣篝香潤膩薰籠隔溪帆影炊煙外入畫  
人家春樹中細伴小桃紅貼地淡和垂柳碧因風何當夜靜  
驚殘夢新種芭蕉近綺櫳

嫩綠蔥龍影上紗短窗晝掩竹橫斜扶犁水足看驅犢衝荇  
泥深聽賣花落冥思牽舟作屋拍浮欲借醉爲家如膏一樣  
東皇澤惆悵潘郎鬢已華

宿永康道中

未昏游子息野店俯谿流落葉空山雨寒鐙獨夜秋水聲涼  
到枕嵐氣暗侵樓寂寞思千里爭教不白頭

倪兆禧

字醇士樂  
清增生

九日玉甌峰記游

樂西多山水玉甌稱第一造物巧設施鑿此神奇質山水有  
奇觀當前不可失秋來籬菊黃登高乘九日天掃塵氛開涼  
風吹瑟瑟臨晨結伴侶同懷皆超逸攜手踰丹房聯步尋石  
室初入薜蘿徑清泉來汨汨指顧蒼冥開高峰何崔嵬眾山  
遙拱向隱現疏而密或如碧玉簪或如芝草茁或列如畫屏  
或矗如文筆石罅噴紅泉飛崖何太疾恍若珠簾垂又若露  
珠溢顆顆滴圓溜窮源終莫必智巧未可爭靈妙誰與匹更  
從仄徑行羊腸恨蟠屈況乃十三盤令人心惴慄累折始入  
洞靈境忽然出半天玩朱霞散花紛繞膝碧蘚剔殘碑古篆  
難具悉薄暮還稽留焚香證丹橘庭前蝙蝠飛空階吟蟋蟀  
靜寂無俗情神凝志自壹始信攝生客得此長年術我今爲

此游心迹添靜謐

兩浙輶軒續錄卷三十九